







عالم علم  
جنرال قلاو زویج

آلمان مشاهیر مؤلفین عسکریت

# الدبر حجتہ کائنات

## قواعد سیاستہ

مترجمی

پروفیسر ملازمہ لرنڈن

احمد رفیق

طابع و ناشری:



مجلس معارف سکریتھک تدقیق و معارف نظارت جلیلہ ملک ر-صدیلہ

T.059

قسطنضیہ

کتابخانہ اسلام و عسکری — ابراہیم حلمی

۶۲ — باب عالی جادہ سی ۶۳



۱۴

جنرال قلاوڑویچ

آلمان مشاہیر مؤلفین عسکریت سندن

۱۵۲  
۹  
۱۵۲

اَلْاَبْرَحْمٰتِيَّةُ

قَوْلِ الْاَبْرَحْمٰتِيَّةِ



مترجمی

پیادہ ملازم لندن

احمد رفیق

طابع و ناشری:



مجلس معارف عسکریتك تدقیق و معارف نظارت حلاله - ملك رخصتله

قسطنظیہ

کتابخانہ اسلام و عسکری — ابراہیم حامی

۶۲ — باب عالی حادہ سی ۶۲

۱۳۱۶

۱۳۱۵

# کتابخانه اسلام و عسکری

— ❦ —

تجارتزاده ابراهیم حلی

لج

## مقدمه

فلاووزويچك ۱۸۱۲ سنهسى بدايتنده طلبهسى بولان پروسيا خاندان قرايسى پرئسنه مخصوص اوله رق مخطرہ مقامنده يازمش اولدينى شواثر ، مشاراليهك حربہ دائر يازدينى آثار جسميه فلسفيهك برخلاصه ذى كالمدر.

كارل فون فلاووزويچ، اون سكرنجي مصرڪ اك بنام مؤلفين هسكريه سندن اولوب قدرت قليه ونظريات هسكريه جهنيله فوق العاده ابراز لياقت ايلشدر . مشاراليه ۱۷۸۰ تاريخنده «بورغ» ده تولد و ۱۸۳۱ تاريخنده «بره سلاو» ده وفات ايلشدر. ۱۷۹۲ دن ۱۸۲۱ . قدر پروسيا و ۱۸۱۲ دن ۱۸۱۴ تاريخنده قدر روسيه خدمت هسكريه سنده بولنه رق ۱۸۱۵ تاريخنده تكرر پروسيا خدمت هسكريه سنده دخول ايله مكتب حربيه مديريتى درعهده ايلشدر.

فلاووزويچ، عصرينك مشاهير نظريونندن ايدى . مشاراليه حربہ دائر بر خيلي آثار جسميه وجوده كتيرمش ايسه ده بولر مياننده اك زياده حائز شهرت اولانى «حربہ دائر» يازمش اولدينى اردر. بو قوجه نظرى، علم الروح ايله روح حربى كافه نظرياتنك بر اس غير مبتدى انحاذ ايدهرك مؤلفات دقيقه بينانه سيله حرب آشنايان ازمنه يي مفتون اقتدارى ايتمش ، فون دروغولتس كې زمانمز مشاهير مؤلفين هسكريه سندن بر ذاتى : «فلاووزويچدن صوكره حربہ دائر يازى ياران برعسكرى محررى، كوته دن صوكره فاوست وشكسپيردن صوكره هاملت تخويرينه ييلتن بر شاهره بكنزه مك مخاطره سندن قوريله ماز . قول شاهرانه سيله افهام حسياته مجبور ايلشدر.



## مقدمه

مشار اليك اداره حربہ دائر يازمش اولديني شو اثرى  
 تحشيه ايدن روسيه جنراللرندن دراغوميروف ، يازديني بر  
 مقدمه ده كرك قلاوزويچ وكرسه مذكور اثر حقنده ديور، كه:  
 « بو خطرہ ، قلاوزويچ اصولك روحنى احتوا ايدييور .  
 بونكله برابر بوصاحب دهاتك روح حربہ غايت عميق بر صورتده  
 نه درجه به قدر انفاذ نظر ايتديكنى ، و حربك هيچ بر زمان اثر  
 ذكاوت اوليوب بر اثر مهارت اولديغنه كس وقوف ايده رك  
 موفقيتك تصوردن زياده اجراآت ايله اكتساب ايديله جكنه  
 نه درجه قناعت حاصل ايلديكنى ، والحاصل نتيجه قطيه زماننده  
 هر شيك دشمنى تهلمكده تقرر ايده جكنى و بناء عليه هر شيدن  
 اول و هر شيته ترجيحاً بونى تحرى ايتك لازمكه جكنى ، بوكا  
 موفقى اولقى ايچون ده اك بسيط اولان طريقك اك مكمل بر  
 طريق اوله جنى غايت واضح بر صورتده كوسترييور .  
 شبهه سز براز اختيار زحمت ايديليرسه سائر مشاهير عسكريه ده ده  
 قلاوزويچك افكارينه مشابه فكرلر بولنه بيلير ؛ فقط انلره  
 قلاوزويچده اولدينى كپي يكدن و صورت منتظمه ده تصادف  
 ايديله نه . اكثريا انلرى بر سوري مواد تاليه مياننده آرايوب  
 بولقى ايجاب ايدر . مثلاً زوميني بر مقدمه ده فك دائماً فن  
 اوله رق قالدېنى و فقط نتيجه حالده موفقيتك عموميتله چاريشمقى  
 آرزوى صميميسنه مستند بولندينى بيان ايدييور . فقط بونى  
 صره سى كلمش ايكن بركره ذكر ايتدكدن صوكره ارتق بر دها  
 ذكر ايتيور . حالبوكه قلاوزويچ بو وجه ايله حركت ايتز، قاعده  
 اصليه اوله رق نظر ملاحظه به الدينى شيثي دائماً تكرار ،  
 وحقى بوبابده مواد اساسيه حقنده ايمش كپي بيان مطالعات ايدر .  
 شبهه سز شان و شرفله ترك حيات ايتك فكر مغرورانه سنى كانه  
 نظرياتك سرنامه مباهاى حد ايدن بر آدمك نظريون مياننده ده  
 كندينه مخصوص بر موقع احراز ايتكه حقى واردر .»

## مقدمه

بعمده فلاوزويچك، نظرياتي كندينه مناسب بر موقعه ايصال  
ايتديكني ومذكورمخطرهك، بوقوجه المان، ولفنك نقطه نظريني  
اكلامته مدار اوله جفني درميان ايتدكنن صوكره :

« فلاوزويچك مخطره سنده مثلاً: مشارالیهك قطعی برعباریه  
نظامك قائده سی حقنده کی فکری کبی بعض اسکی پارچه لر  
موجوددر. فقط بونلر خصوصات حریبهك صرف جهت خارجیه  
ومادیه سنی احتوا ایتکدهدر. بوکا مقابل روح حربیه دائر اولان  
شیلر دائماً قطعیدر. » دییور. فقط مشارالیه کتابنی نوطلرله  
توضیح ایدرهك بو قصصانی ده برطرف ایدیور. ترجمه ایتدیگم  
مخطره ده مذکور اترك عینی اولدینی جهته ترجمه مزده کی نوطلرك  
کافه سی جنرال دراغومیروف کدر.

شونی ده مرض ایتك ایسترم، که فلاوزويچ کبی برعبرر دقیقه پرورک  
اثرینی ترجمه ایتك حقیقه اقتدارمک خارجندهدر. فقط ناثل  
التفاتی اولفله اقهار ایتدیگم بعض ذواتك سائقه نشویقاتی،  
حاجز لینی بو اثری ده ترجمه یه جرأتیاب ایلشدر.

ایشای ترجمه ده ممکن مرتبه اصلندن آیرلامنه غیرت ایدلمش  
ایسه ده ترجمه حاجزانه مک بنه وارسته خطا اولدینی ادعا ایده مم؛  
چونکه بشریت ایچون درجه تکمله وصول هیچ بر وقت ممکن  
دکدر.

احمد رفیع

بشکطاش ۲۵ اغستوس ۱۹۱۵



## حربه دأر قواعد عمومیه

۱ — عمومیتله نظریات، نقاط منتجه اوزرنده قوتلر ایله وسائط ماده نك درجه مساواتده بولمسی نه صورتله تأمین ایتك لازمكه جكنی تدقیق ایله مشغول اولمقده در. فقط بو خصوص دائماً ممكن اوله مدینی جهتله نظریات، خصمك یابه بيلمسی محتمل خطالر، جسورانه بر هجومك حصوله كتیره جکی تأثیر وسائر ایله حتی احتیاج مس ایندیکی زمان امیدسزلك کبی خصوصان مغنویه بی ده داخل حساب ایتکی اوکره نمکده در.

ایشته بونلرک هیچ بری کرک حربك و کرکسه نظریاتنك دائرة شمولندن خارج دکدر؛ زیرا نظریات، تصادفی ممکن اولان هر درلو احوالك تدقیق موشکافانه سی محصولندن باشقه برشی دکدر. بناء علیه فکری اکثریا بونلرله آلبشدرمق وانسیت پیدا ایتدرمك ایچون اك تهلكلی حاللره وقف ذهن ایتك لازمكه جکی اشکاردر. ایشته، عقله مستند قهرمانانه قرارلر ویرمه بو صورتله آلبشیلیر.

شو خصوصاتی باشقه درلو کوستره بيله جک بر (به دان)  
 بولنسه بيله ، بونک افکارینی دیکله مک ايله پک چوق شی  
 غائب ایدیلیر. بر کون حس ایدم جکسکز، که حیاتک صوک  
 زمانلرنده، محاربه نك هیجان وقاریشیقلی ائساننده معاونته  
 اك زیاده محتاج بولندیغکز و رقلرك قوری کورلتیلری  
 سزی مشکلات ایچنده بر اقدینی زمان یالکز بو فکر سزه  
 یاردم ایدم جکدر .

۲ — منافع مادیه و معنویه کووه نیلسه بيله حربده  
 احتمالاتی ده دائما صره سنه کوره نظر دقه المق طبعیدر.  
 فقط بو خصوص دائما ممکن دکلدر. چونکه دهایی برشی  
 یایق ممکن اولدینی زمان هر درلو . ووقیت احتماله قارشی  
 اکثریا بر حرکت تشبث ایتکه مجبوری حاصل اولور.  
 بویه بر حالده امیدسنزلکه دوشمک ، قوه تمیزیه و قوه  
 محاکمه کبی خواص عالیله بزه اك زیاده لازم اولدینی وهر  
 برشی بزه قارشی بر مقصد مشترکه خدمت ایدیور کبی  
 کوروندیکی بر زمانده بو خواص عالیله نك استعمالدن واز  
 کچمک دیمکدر.

هر درلو احتمالات نفسکزه قارشی بولنسه بيله بو حال،  
 تشبثی غیر قابل اجرا و غیر معقول ملاحظه ایتک ایچون  
 بر سبب دائمی اوله ماز. زیرا بو تشبث ، دهایی برشی  
 پایه مدیغمز و المزدده کی وسائط قلیله دن ممکن مرتبه بر استفاده

عظیمہ استحصال ایدہ مدیکمز اندن اعتباراً معقول صایلیر.  
ایشته بالخاصہ بوکبی حالردہ سکون و متاتی، حربده  
محافظه سی غیر ممکن اولان و موجود اولدقہ اک بارلاق  
خواص فکریہ بی بیله عقیم براقان شواوصاف حاکمہ روحی  
خصوصیلہ مشکل زمانلردہ محافظہ ایتلیدر. بونک ایچون  
شان و شرفله ترک حیات ایتک فکریله اولدن انسیت پیدا  
ایلمک اقتضا ایدر. انسان دائماً بوفکرله یشاملی و بوفکری  
ذهننه یرلشدرملیدر. زیرا شوکا امین اولکز، که بدبخت  
بولدقہ حتی بختیارانه بر محاربه ده بیله بیوک بر ایش  
قطعی بر حکمله یاپیله ماز.

شبه سز بو فکر ایکنجی فره دریقی ایلمک سلیلیا  
حربلرنده صیق صیق اشغال ایتشدرد. چونکه فره دریقی  
یالکز بوفکرله انسیت پیدا ایتش بولندینی جهتله ۱۷۵۷  
سنه سی کانون اولک مشهور بشنجی کونی (لویتن -  
Leuthen) هجومه قرار ویرمشدر؛ یوقسه (مائل نظام) ی  
سایه سنده آوستریالیلری مغلوب ایتک احتمال قویسنه اعتماد  
ایتدیکندن دکل.

۳ — هر درلو حالات معینه ده تشبث ایدیله جک  
بر چوق حرکات ایله انتخاب اولنسی ممکن بر خیلی تدایر  
موجوددر. فقط نتیجه حالده اک جسورانه بر قرار ایله  
اک مدبرانه بر قراردن برینی انتخاب ایتکه مجبوریت حاصل

اولور. بر چوق کیمسه لر مدبرانه قرارك نظریاته دها موافق اولدیغنی تصور ایتمکده درلر. بو برخطادر. [\*]  
 زیرا نظریاتك بر توصیه ده بولنمی لازمکسه بو توصیه طبیعت حرب ایله مطابقتدن باشقه برشی اوله ماز؛ بناء علیه نظریاتك، احوالك غایت جسورانه و غایت قطعی بر صورتده حل و فصلنه قرار ویرمی لازمکیر. فقط هر قوماندانی ده

---

[\*] اصل خطا نظریاتنجیلرده در، یوقسه نظریاتده دکادر. بناء علیه محصول فکر اولدیغنی جهته تدبیر و احتیاطه تمایل ایتمك خصوصتك، نظریاتك طبیعتی اقتضاسندن بولندیغنی نظر ملاحظه یه المامتی غیر ممکندر. حتی بو تمایله بمضکره فلا و زوج بیله بولنیور؛ فقط بوده فی الواقع يك نادر در. (مشار الیهك دها ایلریده، تقریه غایت مساعد اولان نقطه لرك مجموعی ایله کجه حرکاتك تهلکه سی حقنده بیان ایتدیگی فکره مراجعت) نظر. یانجیلر یالکز بو مسئله تك حلفی تهری ایدیورلر: «ممکن مرتبه آز قوت صرف ایده ركه، آز تلفات ویره ركه هدفه نصل واصل اولمی؟» بناء علیه قوای عظیمه و تلفات کثیره صرفه بادی اولان هر شیئه قارشى بونلرک بر سؤظنه صاحب اولملری طیبمیدر. فقط مذکور مسئله ده، مهارتی داخل حساب ایده ركه ش و صورت افراغ ایدیور: «قوت صرفه، تلفات ویرلدیکنه او قدر باقیه رق هدفه نصل واصل اولمی؟» ایشته «محال نظریه سی» بورادن نشأت ایدیور. فکر؛ طبیعتی اقتضاسندن اوله رق محترزه، متردد برقوتدر؛ فی الحقیقه بو، غایت واسع معلومات اعطا ایدر ایسه ده اکثریت امرجه اعتباریله بو نشو و نمای معنوی، حکم و قرارك زیاننه اوله رق اکتساب ایدیور.

## اداره حربہ دائر

جسارت شخصیه سی ، فکر تشبث و اعتماد نفسی نسبتندہ  
برشی انتخاب ایتکده سرست براقیر . بونک ایچون شو  
قوای خصوصیه نظرأ حرکت ایتلیسکز . فقط جسارتسز  
بر کیمسہنک بیوک قوماندان اولہ میہ جغنی دہ خاطر دن  
چیقار میکنز .



## تعمیه یا خود محاربه نظریاتی

حرب، بر طاقم محاربات مختلفه نك تركبندن حاصل اولمشدر. بو تركب، نتیجه اوزرينده قطعی بر تأثیر اجرا ایدر. فقط آیرجه محاربه، فوق العاده و طوغریدن طوغری بر اهمیت حائزدر؛ چونکه انحق رسیده موفقیت اولمش محاربه لرك تركبی نتایج حسنه حاصل ایده بیلیر. بناءً علیه حربده قاعده اساسیه محاربهده خصمه غلبه ایتك صنعتته مالك اولمقدردر. افکار و تصور اتكزی ارتق بو نقطه دن ده ایلری به کتوره مزسکر. ایشه اساس اولق اوزره ملاحظه ایتدیکم قواعد شولردر:

۱ — قواعد عمومی

۱ — حال تدافعی به دأر

۱ — حال تدافعیده قطعاتی ممکن اولدینی قدر اوزون مدت مستوراً محافظه ایتمیلیدر. بالذات هجوم ایدلدیکی وقتدن ماعدا هر زمان هجومه اوغرامق قابل اولدینندن مدافعه به هر دقیقه حاضر اولملی، بناءً علیه قوتلری دائماً ممکن مرتبه مستوراً الیه بولندرمیلیدر.



۲ — قطعاتك هپسنى بردن محاربہ بہ صوقاملیدر .  
 شاید بو خطا ارتکاب ایدیلیرسه محاربہ دہ معقول بر خط  
 حرکت طومتق قابل اوله ماز . چونکہ محاربہ بہ انجق الہ  
 بولنان قوتلرله یکی بر شکل ویرمک ممکندر .

۳ — جبهہ نك امتدادیلہ آز مشغول اولمی و حق  
 هیچ مشغول اولماملیدر . بو امتداد ذاتاً اهمیتسزدر ؛  
 چونکہ محاربہ نظامنك عمقی (یعنی یکدیگری ارقه سنده  
 طوران قطعاتك مجموعی) جبهہ بہ ویریلن امتداد ایله تنقیص  
 ایدلمش دیمکدر . بناءً علیہ کریدہ کی قطعہ لر الہ بولنش  
 اولور ؛ بوندن باشقہ محاربہ بی نقاط متجاورہ بہ نقل (تمدید  
 جبهہ) ایتمکن ایسه ، محاربہ بہ کیریشیلن نقاط اوزرنده  
 تجدید ایتمکہ (احتیاط وظیفہ سی کورمکہ) دہ مدار اولور .  
 نومادہ اولکی مادہ نك بر متممی کیدر .

۴ — دشمن ، جبهہ مزك بر قسمنه هجوم ایتدیکی  
 حالده عین زمانده جناح لر مزی آشمغه و بزى احاطہ  
 ایتمکہ دہ جالیشہ جفندن کریدہ طوران قطعہ لر منحصرأ  
 بو تشبہ مانع اولمغه وموانع ارضیہ اوزرنده جناح لر مزہ  
 استاد بولندینی تقدیرده بو نقصانی اتمام ایلمکہ مجبوردر .  
 بو قطعہ لر خط داخلنده بولنوبده جبهہ بی تمدید ایتمکن  
 غیری بر شیتہ یاراماقدن ایسه بو وظیفہ بی ایفا ایتمکہ دہا  
 زیاده قابلیتیدر . بومادہ دہ اولکی مادہ لرک ایضاحی کیدر .

۵ — جبهه کريسنده پک چوق قطعه لر بولنديني زمان بولنرک يالکر بر قسمي جبهه نك کريسي يقيننده بولندرمق ، متباقيسني کرييه و جناح لره يرلشدير مک پک مناسبدر.

قطعه لر بووجه ايله يرلشديريليرسه بزي چويرمکه چاليه جق اولان دشمن قوللرينک ياتي کندي کندينه اله بيلير لر .

۶ — قاعده اساسيه : هيچ بروقت دائمي صورتده مدافعه مطلقه ده قاليوب دشمن هجوم ايتديکي ائنده جبهه سنه ويانلرينه آتيلميلير. مدافعه ، خطرک يالکر برنده قوللانيلير . اوده ، بو خطه هجوم ايچون دشمن قوللريني ياييلمغه مجبور ايلمک خصوصه بناء در؛ ايشته او ائنده ، اوزمانه قدر کريده بولنديريلان قطعات سائر ايله کندي کندينه تعرضه کچيلير . بر ذاتک صورت مکمله ده ايضاح ايتديکي کبي ، فن استحکام سپر ارقه سنده ده ا زياده محفوظ بولنق ايچون اوليوب فضله بر موفقيتله دشمنه هجوم ايتمک خصوصه استعمال اولنق ايچوندر. بو حال هر درلو مدافعه مطلقه يه قابل تطيقدرد . چونکه مدافعه مطلقه ، قطعاتي اولجه انتخاب اولنان بر اراضي اوزرنده يرلشديروب منافع ذاتيه يه کوره حاضرليه رق تعرضي تسهيل ايتمک واسطه سندن باشقه برشي دکدر؛ هم اولامليلدرده .

۷ — هر درلو حال تدافعي يه تعلق بولنان بوتعرض ،

دشمن بڑھ ہجوم و یا بڑھ قارشی یا لکڑ پوروش اجرا  
ایتمکے باشلادینی زمان وقوعہ کلہ بیلیر . بوندن باشقہ ،  
دشمن ہجومہ حاضرلندینی اٹنادہ قطعاتی کری یہ چکمک  
ودشمنی کندیسنہ مجھول براراضی اوزرینہ جلبایتدکن  
صوکرہ ہرطرفدن اوزرینہ ہجوم ایتمکدہ قابلدر . ایستہ  
عمقاری زیادہ بولان محاربہ نظامری — یعنی اردونک  
متباقیسی کریدہ وقدمہ نظامندہ اولہرق ممکن مرتبہ مستوراً  
الہ بولندینی حالہ ٹلٹانک ویا حود نصفدن زیادہ سنک  
جہدہ یایلمش بولنسی — بوکی ترتیبات مختلفہ  
غایت موافقدر . ہم بو نظام فوق العادہ براہیتی حائردر .  
۸ — ایکی فرقہ قوتم اولسہ بونلردن مطلقا برینی  
کریدہ براقیرم . اوچ فرقہ اولسہ ہیچ اولمازسہ برینی ،  
درت اولسہ احتمالکہ ایکسینی ، بعضاًدہ اوچنی وسائرلرینی  
عین وجہ ایلہ احتیاطدہ براقیرم .

۹ — مدافعہ مطلقہدہ قانہجنی اکلایشیلان نقاط  
اوزرنده صحرا استحکاماتنہ مراجعت ایلملیدر . بونک  
ایچوندہ یکدیگرندن متفرق ، قبالی و بیوک مقطعدہ ،  
استحکامات انشا ایتملیدر . [۰]

---

[\*] بومکر برصورت قطعہدہ بیانایدیلیر . فقط مؤلفدہ  
شو حقیقتی تسلیم ایدرہ کہ متین اولقی شرطیلہ آز استھکام پامقی  
دہا مرجعدر .

۱۰ — بر محاربه ایچون تصمیم ایدیلن هر پلانده مثلاً: دشمنك بیوك بر قولنه هجوم وپوك كاملاً بریشان ایدلسی کبی دائماً عظیم بر مقصده بنای حرکت ایتلیدر . بالعکس، دشمن بیوك بر مقصدی تعقیب ایتدیکی حالده کوچوك بر مقصده اکتفا ایدیلرسه شهه سز موفقیت حاصل اولماز . چونکه باقر پاره یه قارشى آلتون ایله اوینانلمش دیمکدر .

۱۱ — حال تدافعی ایچون ترتیب اولتان بر پلانده عظیم بر مقصد اتخاذ ایتدکدن صوکره بو مقصدی فوق-العامه بر شدت، ممکن مرتبه فضله بر قوت صرف ایدرک تعقیب ایتلیدر . دشمنك ده کندینه کوره بر مقصدی اولوب دشمن بو مقصدی علی العموم باشقه بر نقطه ده تعقیب ایدر . بناء علیه بز دشمندن اول مقاومت کوستره مز و مقصد مزى دشمندن ده از بر شدتله تعقیب ایدرسه ک کندى مقصد مزى انحق نصفاً موقع فعله قویدینمز حالده دشمن مقصد ذاتیسنه تماميله نائل اولور . بز اولجه کسب ایتدیكمز منافعی ترکه مجبور اولورز، حالبوکه دشمن بو صورتله کسب تفوق و تأمین مظفریت ایدر . (راتیسبون) و (واغرام) محاربه لرینی دقتله مطالعه ایدیکز ؛ بونلر سزه مهم اولمقدن زیاده پك حقیقی کورونه جکدر .

ناپولیون بو ایکی میدان محاربه سنده صاغ جناحيله

دشمنی احاطہ یہ غیرت ایتمشد۔ آرشیدوق شارل دہ عین وجہ ایلہ حرکت ایتدی . فقط ناپولیون فوق العادہ بر ثبات ، خارق العادہ بر شدتله حرکت ایتمش ، حالبوکہ آرشیدوق شارل متردد بولنقلہ برابر برقاج کرہدہ یاری بولده قالمشدر .

ایشته ناپولیون، مقابل جناحدہ بوسیدن قطعی بر موفقیت قازاندینی حالده آرشیدوق شارل نیم مظفر اردوسی ایلہ انجق فائدہ سز بر طاقم منافع استحصال ایدہ . بيلمشد .

۱۲ — ایشته شو صوك ایکی قاعدہ بی ایکی سوزله بیان ایدیورم . بوایکی سوزك ترکیبی، حال حاضر صنعت عسکر یہ سنده کافہ اسباب مظفریت میانندہ برنجی موقعی احراز ایدہ بیلہ جک بر توصیه یہ لزوم کوستریور، کہ اودہ : شدت واصرار ایلہ عظیم و قطعی بر مقصدی تعقیب ایتمکدر .

۱۳ — بویله اولمازسه عدم موفقیت حالندہ تہلکہ

دها زیاده اولور؛ بوپک طوغریدر . فقط تعقیب ایدیلن مقصد خلافت اوله رق تزید بصیرت ایتک بر صنعت دکلدرد؛ اولجہدہ سویلہ دیکم کبی طبیعت حرب غیر موافق بر بصیرت کاذبہدر .

فوق العادہ بر مقصد ایچون فوق العادہ بر تہلکہ بی کوزہ آلدیرملیدر . — حربده بر تہلکہ کوزہ آلدیرلانی

زمان بصيرت حقيقه ، مقصود و صول ایچون اك زياده  
الويريشلى اولان وسائلى انتخاب ايده برك كمال دقتله موقع فعله  
قويقدن ، عدم تقيد وخفت مزاج سائقه سيله هيچ برشيئي  
اهمال ائمه مكدن عبارتدر .

ايسته افراط احتراز ايله عظيم بر مقصدي مترددانه  
وياخود نصفاً هيچ بر زمان تعقيب ائمين ناپوليونك بصيرتي  
بوندن عبارت ايدى .

.....

تاريخك بسط وتمهيد ابتدئى بر قاج موفقيتلى محاربات  
تدافعيه يي نظر دفته آليرسه كز كوره جكسكز ، كه بونلر  
مياننده اك كوزل محاربدر نالاده ذكر اولنان قواعد  
اساسيه بناءً توحيه و اداره اولنان محاربه لردير ؛ زيرا بو  
قواعد اساسيه هب تاريخ حربدن مستخرجدر .

دوق فردينساند ( ميندن — Minden ) ده دشمنك  
كنديسنه منتظر بولنديني بر محاربه ميداننده آنسرين  
ظهور ايتمش ، ( تانهاوزن ) ده كي استحكاماتي كريسنده حال  
تدافعيده بولنديني حالده محاربه ميداننده حال تعرضي يي  
اختيار ايلمشددر .

آوستريالير پروسيا قرالنه كيجه لين ( ليغنيتس ) ده ،  
بركون اول طوتمش اولديني موضعك بستون غيري بر  
موضعده تصادف ايتمشلردير . فرده دريق ايسه آوستريا  
قوللرندن برينه هجوم ايتمش و ديكرلري محاربه ميدانه

دها و اصل اولمادن بو قولى تپلمشدر. (هوهنلیندن) ده جنرال مورونك جبهه سنده بش ، كريسنده و جناح لرنده درت فرقه بولنيوردي . ايسته اوزمان مورو دشمنك ارقه سنى چويرمش و دشمن دها هجومه باشلامدن صاغ جناح قولى اوزرينه آتيلمشدر.

مارشال داوو (راتيسبون) ده مدافعه مطلقه يي اختيار ايتمشيدي . حالبوكه ناپوليون صاغ جناحى ايله بشنجي و التجي قول اردولره هجوم ايده رك بونلري كاملاً مغلوب ايلمشدر.

آوستريالير (اوغرام) ده ، دها طوغريسى ، حال تدافعيده بولنيورلردى . معافيه ايكنجى كون ، امپراطوره قوتلرينك قسم اعظمى ايله هجوم ايتمشدر . ناپوليون ايسه عادتاً مدافعين كي نظر ملاحظه يه اليه بيلردى . فقط اوده صاغ جناحيله آوسترياليرك صولنه هجوم ايده رك ( طونه ) يه مستد و غايت ضعيف بولنان صول جناحى (بو جناح يالكر بر فرقه دن عبارت ايدى) هيچ اندیشه بيله ايتمه مش و بونلرك ارقه سنى چويره رك كافه سنى تپلمشدر . بوندن ماعدا قوتلى احتياطلر سايه سنده آوسترياليرك صاغ جناحنده كي تفوذك (روسباخ) ده قازانمش اولدينى مظفريته بر تأثير اجرا ايتمه مسنه ده مانع اوله رقى ( آدهر قالا) يي بو احتياطلر ايله ضبط ايتمشدر.

بالاده مذکور قواعد اساسيه نك كافه سی يالكز ذکر  
ايدیلن محاربه لردن مستخرج دکلدر ؛ اولرده مدافعه  
مطلقه دائر بر مثال ارائه ایتمکده در.

پروسیا اردوسنك ايكنجی فره دریق دورنده کی  
فعالیتی بو بیوک قوماندان ایچون برواسطه مطفریت ایدی.  
فقط سائر اردولرده بزمکی قدر کسب فعالیت ایتدیکی  
زماندن اعتباراً آرتق بز فره دریق اردوسنی نظر دفته  
آله میز. بوندن باشقه فره دریق دورنده چویرمه حرکاتی  
[\*] او قدر عمومی بر صورتده استعمال اولندیغندن  
محاربه نظامنك عمقلی بولمنسك ده پك او قدر لزومی  
یوق ایدی.

### ب — حال تعرضیه دائر

۱ — دشمن موضعنك بر نقطه سنه، یعنی قطعاتنك  
(مثلاً فرقه ویا قول اردو کی) بر قسمنه اك چوق بر  
قوتله هجوم ایتمکه غیرت ایتلی، قوتلرینك قسم متباقیسنی  
ایسه یا اشغال ایدهرک ویا خود نظر دقتی باشقه طرفه جلب  
ایدهرک حال ترده بولندر ملیدر. ایشه، مساوی ویا فضله  
بر قوت ایله نسبتاً فائده لی و بناء علیه موفقیت طالعی موجود  
اولان یکانه اصول محاربه بودر. قوت نه قدر ضعیف

[\*] چویرمه حرکاتی اکثراً فره دریق ده استعمال ایدودی ..



اولورسہ — نقطہ متعجبہ اوزرنده ممکن مرتبہ قوتلی بولنق  
خصوصہ مبنی — دشمنی نقاط سائرہ دن اشغال ایچون اوقدر  
آز قطعہ استعمال ایتلیدر .

ناقابل انکاردر ، کہ ایکنجی فرہ دریق (لویتن —  
Leuthen) محاربہ سنی کندی کوچوک اردوسنی یالکز  
بر نقطہ یہ جمع ایدہ رک دشمنہ نظراً غایت طویلی بولنش  
اولدینی جہتلہ قازانمشدر . [\*]

۲ — دشمنک جناح لرندن برینہ جہہ دن ویایاندن  
ہجوم ایدہ رک ویاخود کریدن ہجوم ایتک ایچون کاملاً  
آرقہ سنی چویرہ رک ضربہ قطعہ یی بوجناحہ اجرا ایتلیدر .  
چونکہ مظفریتہ نتائج عظیمہ استحصال ایتک ، دشمنی  
خط رجعتدن چیقارمقلہ اولور .

۳ — حق قوتلر فائق بولنسہ بیلہ ضربہ قطعہ یی اجرا  
ایتک ایچون ینہ عمومیتلہ بر نقطہ انتخاب اولنہ رق بونقطہ یہ  
فوق العادہ بر قوتلہ ہجوم ایتلیدر . براردویی کاملاً احاطہ  
ایتک پک نادر در ؛ زیرا بوخصوص مادہ ومعناً خارق العادہ  
بر تفوقہ وابستہ در . فقط جناح لرندن بری اوزرینہ حرکت  
ایدہ رک دشمنی خطر رجعتدن چیقارمق ممکندر . ہمہ بحال  
عمومیتلہ نتائج عظیمہ حاصل ایدر .


[\*] او اثنادہ فرہ دریق قوتی ۳۲۰۰۰ ، آوستریا لیلرکی  
۸۰۰۰۰۰ ایدی .

۴ — اصل ماده هر شيدن اول تقرر مظفريت (دها طوغريسى فوق العاده بر احتمال مظفريت) يعنى دشمنى ميدان محاربه دن چيقار مقدر . محاربه پلانى بومقصده مبنى اولميدر ؛ زيرا قطعى اولميان بر مظفريت ، تعقيب شدتى سايه سنده قطعى بر حاله پك قولاي ارجاع ايديلير .

۵ — دشمن قطعاتى هر طرف دن هجومه اوغرا دينى كوره بيلمك ايجون دشمنك ضربه قطعيه اجرا ايديلن جاحنه متحداً هجوم ايتمليدر . حتى دشمنك هر بر خصوصه مقابله ايتك ايجون بونقطه اوزرنده ايجو قطعاتى بولندينى فرض ايديلسه بيله ، بونلر بويله بر حالده جسارتلرينى پك جابق غائب ايدرلر ؛ كليتى تلفاته دوچار ، صوك درجه پريشان اولورلر . خلاصه پك جابق مقاومتسز قاله جقلىرلى اميد اولنه بيلير .

۶ — ايشته دشمنى بوسورتله احاطه ايتك ايجون جبهه ده دشمنك كنندن دها زياده بر قوت بولندرمليدر . اكر ب ، ن قطعه لرى دشمن اردوسنك ح قسمه متحداً هجوم ايتك ايسترلر سه بالطبع انلرك يكديكرى يقيننده بولملرى ايجاب ايدر . فقط قوتلرك جبهه ده شوسورتله ياييلمسى ، الده كليتى احتياط بولنديرلمسسه مانع اولماق ايجون ، پك زياده اولمايلير .

یوقسہ ، دشمن چویرمه حرکتہ قارشى جزئى



ف ، ل قطعہ لرینک احتیاطہ بولنسی ایجاب ایدر . بویله  
 درین بر محاربہ نظامی ایله هجومی لاینقطع بر نقطہ اوزرنده  
 تجدید ایدہ بیلہ جکمز کی قطعاً تکزک مقابل جناحدہ مغلوب  
 اولمسیلہ در حال مقاومتسز قالمغده مجبور اولمیز . چونکہ  
 المزدہ دشمنہ قارشى مقاومت ایدہ بیلیمک ایچون احتیاطہ  
 بولندیردیغمز قطعہ لر واردر . ایشتہ فرانسزلر (واغرام)  
 محاربہ سندہ بوصورتله حرکت ایتمشلردر . فرانسزلرک  
 (طونہ) یه مستند اولان صول جناحلى فوق العادہ  
 ضعیف اولدیغندن مکمل صورتہ پریشان ایدلمشدى .  
 حق ، (آدہ رقالا) دہ بولان مرکزی پک قوتلى بولندیغی  
 جہتلہ محاربہ نک ایلک کونی آوستریالیرک اوکنده یاییلمغہ  
 مجبور اولدی . فقط بوندن برشى چیقمدی ؛ چونکہ  
 نابولیون ، آستریالیرک صولنہ جہہ دن ویاندن هجوم ایتدیکی  
 حالہ صاغ جناحدہ اودرجہ بر عمقہ مالک ایدی ، کہ

قوتلی برسواری و سواری طوبیجی قولی ایله ( آده رقالا ) ده  
آوستریالیره قارشی حال تعرضیه کچمکه موفق اوله رق  
بونلری کاملاً احاطه ایتدی .

۷ — حال تدافیده اولدینی کبی تعرضیده ده  
اوریله حق ضربه لره هدف اولق اوزره دشمن اردوسنک،  
مغلوییتی منافع قطعیه تأمین ایدن قسمی انتخاب ایتلیدر .

۸ — هدفه واصل اوله میوبده بوکا وصول ایچون  
الده یالکز برواسطه بولندجه ، حال تدافیده اولدینی کبی ،  
هیچ برزمان ایشدن صرف نظر ایتمه ملیدر . اگر مدافعین ده  
مدافعه متعدیده بولنور و بزه نقاط سائرده دن هجوم ایدرسه ،  
انجق دشمنه قوت وجسارته تفوق ایده رک مظفریتی  
قازانق ممکندر .

بالعکس دشمن مدافعه مطلقه ده بولنیورسه او حالده  
هیچ برشیدن قورقما ملیدر .

۹ — امتدادلی، اوزون حطلردن قطعاً اجتناب  
ایتلیدر ؛ بونلر شمیدیکی زمانده هیچ برقیمتی حائر اولیان  
برطاقم موازی هجوملره سیبیت ویرر . اصولاً مختلف  
فرقلر، هجوملرینی هربری کندی باشنه فقط بالاده  
کوستریلن استقامتلره نظراً ، بونکله برابر یکدیگریله  
پسیدای ارتباط ایده رک اجرا ایدرلر . حالبوکه بفرقه  
( اوزمان ۸,۰۰۰ : ۱۰,۰۰۰ کشی ) هیچ برزمان یالکز

برخط اوزرہ تشکل ایتمیوب ایکی، اوج وحقی درت خطدن  
متشکل بولنه جغندن بوندن ده اکلاشیلیر، که امتدادلی، اوزون  
خطلرک وجوده کلسی اصلاً ممکن دکدر .

۱۰ — فرقه لره قول اردولرک هجوملرنده کی ارتباط،  
بینلرنده بولنان مسافیه وحقی بعضاً اره لرنده دشمنک  
بولنسنه، خلاصه یکدیگریه نظراً طوغری برصورتده  
تنظیم اولملرینه مخالف اوله رق بوجزه تاملری بینلرنده  
دائمی برارتباط محافظه ایده جک وجه ایله عین نقطه دن  
سوق و اداره ایتمک جالیشمقله الده ای دیله مز . بوصورتله  
حرکت، حرکاتک بر آنده وقوعه کلسی کبی بیک درلو  
تصادفاتیه مربوط، نتایج عظیمه تولیدینه غیر صالح و بزی شدتلی  
برخصمه مصادف بولندرمغه غایت موافق بولنان برخاصه نک  
استعمالی ایچون هم فنا، همده مضر برحرکتدر . الحقیق  
اصول، هر قول اردو ویا هر فرقه قوماندانه یورویشک  
استقامت اصلیه سنی سویله مک، دشمنی مقصد ایچون  
برهدف، بر مظفریت اوله رق کوسترمکدر .

اوحالده هر قولک قوماندانی دشمنی نروده بولورسه  
بتون قوتیله اوزرینه هجوم ایتمک ایچون امرالیر . فقط تردد  
حاصل ایتمک ایچون نتیجه ده کی مسئولیتی بوقوماندانک  
اوزرینه یوکلتمکدن قطعاً اجتناب ایتملیدر . بوقوماندانلرک  
هربری برشیدن مسئولدر . اوده قوماندا ابتدیکی قطعه مک

هیچ بردا کارلق اوکنده چکینمیه رک بتون قوتلریله حرکاته اشتراك ایتسندندر .

۱۱ — تنسیقاتی مکمل مستقل برقطعه ، غایت فائق قوتلرک هجومه اپی زمان ( برچوق ساعت ) مقاومت ایدر ، هیچ بر زمان یکدن پریشان ایدیلهمز . بناءً علیه بوقطعه نك دشمنله وقتسز بر زمانده محاربه یه کیریشدیکی فرض ایدیلیرسه ، اجرا ایتدیکی محاربه حتی اوغورسزبیلله اولسه هیئت عمومیه نقطه نظرندن ینه بسبتون فائده سز اوله ماز . حقیقت ! دشمن ، قوتلرینی یایمغه و بونلری مذکور قطعه یه قارشى آزچوق استعمال ایتمکه مجبور اوله جفندن بو حال دیگرلرینه شرائط محسنه داخلنده هجوم ایتمک فرصتی ویره بیلیر . برقطعه نك بومقصده بناءً نه درلو ترتیب وتنسیق ایدیله جکی ایلریده کوریله جکدر .

مع مافیه قوتلرک اشتراك حرکاتی استحصال ایچون بتون قوتلرک اولدجه استقلالیه مظهر بولنش اولملری ، فقط هر برینکده دشمنی آرایه رق و ممکن مرتبه هر درلو فداکارلنی اختیار ایده رک اوزرینه هجوم ایتمی ایجاب ایدر .

۱۲ — حرب تعرضینک عناصر مهمه سندن بری ده باصقیندر . بر باصقین نه قدر ناکهانی اولورسه او درجه طالع موفقیتی حائزدر . مدافعینک ، تداییرینی کیزلیرک وقطعاتی صاقلا بهره رق بزه قارشى حاضرلینی باصقینلر ،

انجق مهاجین طرفنک غیر منتظر یورویشلر یله عکس  
تأثیرہ اوغراتیلہ بیلیر .

فقط بوصورتلہ حرکت ، قسماً امنیت خدماتنک  
فوق العادہ اصلاح اولمسنندن ، قسماً دہ عصر حاضر  
سفرلرینک سرعتلہ اجرا ایدلمسندن طولانی شمذیکی زمان  
حربرلرندہ نادراً موفقیتپذیر اولور . طرفین مخاصمیندن  
برینک غیرت وتیقظنی دوجار کسالت ایدہ رک دیکرینہ  
آنسزین هجوم ایتک فرصتی بخش ایدن اوزون اوزون ترک  
مخاصمات دورلری زمانمزده آرتق کورولمور . [\*]

بوشرطلر داخلندہ - دائماً قابل اجرا اولان کیجہ  
هجوملرندن (هو خکیر خدہ کی کبی) صرف نظرلہ - دشمنی باصقینہ  
اوغراتمق ، انجق بریان یورویشی اجرا ایتک ویا خود کری  
کری چکیلہ رک [\*\*] آنسزین دشمن اوزرینہ تکرار

[\*] باصقین برمکر نسیدر ؛ اگر یوریشمک سرعتی ایلہ  
دشمنک اوزرینہ دوشر وبالکز بستیون خبری اولادن دکل فقط  
محاربه بندن دہا آخاضر لائمش بولندیی بر زماندہ اوزرینہ  
هجوم ایدرسہم ایشته بوکا باصقین دینیر .

[\*\*] ویا خود حال تعرضیہ کچہ رک . سواروف دائماً حرکات  
تعرضیہ سندہ کی سرعتلہ باصقین اجرا ایدردی . اشاغیجی جلدہ  
بیان اولتان اصول ایشته بودر ؛ فقط بوکا « باشقہ بر اصول »  
دیئمکہ نہ لزوم وارہ . ہر اوج حالدہ دہ ہرشی . بر سری کبی بکلہ .  
نیلدیکمز بر یرہ ، بکلہ نیلدیکمز بر زماندہ دوشمکہ مہر اولیور .

یورو مکه قابلدر . خصمه اوزاق بر مسافه ده بولندینی  
زمان قابل تطبیق اوله جق باشقه بر اصولده ، فوق العاده  
برقوت ، نامسبوق بر فعالیت ابراز ایدهرک دشمنه تصور  
ایتمدیکی درجه بر سرعتله واصل اولمقدن عبارتدر .

۱۳ — عن اصل باصقین ( هو خکیر خده کی کبی کیجه  
باصقینی ) غایت کوچوک ر اردودن بعض منافع استحصال  
ایتمک ایچون اک مکمل بر اصولدر ؛ فقط بو ، اراضی یه  
واقف بر مهاجمین ایچون مدافعدن ده آاز تصادفاته باغلیدر .  
اراضی ایله دشمنک ترتیباتی نه قدر آزطانیلیرسه ، تصادفات ده  
اودرجه زیاده اولور . ایشته بوسبیدن ، بوقیل حرکات  
هر درلوحالاتده برواسطه نومیدانه کی تلقی ایدملیدر . [\*]  
۱۴ — بونوع هجوملر غایت ساده ترتیبات آلمی ،  
قطعاتی کونزدردن ده زیاده مجتمعاً محافظه ایتمکی ایجاب ایدر .

۲ — قطعاتک استعمالنه دائر قواعد اساسیه

۱ — اسلحه ناریه نک استعمالی ناقابل اجتناب

بوده دائماً بالکمز بر واسطه ایله الده ایدیلیر . اوده ، سرعت  
حرکاتدر . ذاتاً مارشال ساقس دیمشدر ، که : « موفقیت حرب  
بحالدرده در . »

[\*] سواروف همان دائماً برواسطه نومیدانه بی استعمال  
ایتمش ، دائماًه موفقیت قارائمشدر .



بواندینی جہتلہ (مادامکہ اجتنابی قابلدر ، اوحالده نیچون الدہ بولندیریلور؟) محاربہ یہ اسلحہ ناریہ ایلہ باشلامق ایجاب ایدر . [\*] پیادہ ایلہ طوبجی ، دشمنہ فوق العادہ تلفات ویردرمدکن صوکرہ سواری بی استعمال ایتہملیدر . بوندندہ :

برنجیسی : سوارینک یری پیادہ نک کریسندہ اولدینی ؛  
ایکنجیسی : اسباب معقولہ موجود اولمادن سواری بی  
محاربہ نک باشلانفجنہ طوغری استعمال ایتہمک لازم  
کلدیکی اکلاشیلیر . دشمن نا تمام ترتیبات الدینی زمان ،  
یاخود دہا ایسی رجعت ایتدیکی ائنادہ سواری بی کمال  
جسارتلہ اوزرینہ صالیورمکی قرارلاشدیرملیدر .

۲ — طوبجی آتشی پیادہ آتشدن دہا مؤثردر .  
سکز ویا آلتی طوبلو بر بطریہ ، بر طابور جہہ سنک ثلثی قدر  
بیله بریر اشغال ایتمز ؛ ہم موجودی دہ بر طابور موجودینک  
سکزده بری قدر بیله دکدر ؛ معافیہ آتشنک تأثیری  
ایکی اوج قات زیادہ در . [\*\*] بوکا مقابل طوبجی دہ پیادہ

[\*] فقط دشمن محاربہ یہ مقابلہ ایتکہ حاضر اولقی شرطیلہ .  
زیرا دشمن آنسزین باصلش ایسہ ، اکا کندیسفی طوبلامنہ فرصت  
براقی ، بناءً علیہ استعمالی ایجہ بروتنہ متوقف بولنان اسلحہ  
ناریہ بی استعمال ایتکہ بیہودہ در .

[\*\*] فرانسرلرک ۱۸۷۰ حربندہ ویردکلی تلفاتک یکونہ  
نظراً بوسفر ائناسندہ پروسیالیرک سکز طوبنک تأثیر مخربی ،

قدر سريع الحركه دكلدر . شوحال ، هر درلو اراضيده  
 پياده كي استعمال ايديله ميه جي جهتله سواري طوبچيسنده  
 قابل تطبيقدر . بناءً عليه طوبچي بي دها محاربه نك بداينده  
 الكمهم اولان نقاطه طوبلاميدر . [۰] چونكه طوبچي ،  
 پياده كي محاربه ائناسنده بو كي نقاطه طوبلانهمز .  
 ۲۰ : ۳۰ طوبدن عبارت جسم بر بطريه موفقيت  
 محاربه بي على العموم محاربه يه كيريشديكي نقطه اوزرنده  
 تأمين ايدر .

۳ — يوقاريده بيان اولنان خواص ايله داتا معلوم  
 بولنان خواص سائر ، صنوف مختلفه نك استعمالى حقنده  
 آتيده كي قواعدى وجوده كتير مشدر :  
 اولاً : محاربه يه الله بولنان طوبچينك قسم اعظمى ايله  
 باشلاميدر .

پياده طوبچيسى ايله سواري طوبچيسى انجق قطعات

طوبچينك موانع مادييه قارشى احرا ايتديكي حركات ، وخصوصيله  
 تاثير ممنوى داخل اولدينى حالده ، تخميناً ۱۰۰۰ تفنك  
 ويره جي تلفاته معادل ايدى . تبديل تسليحات نه درلو اولورسه  
 اولسون ، منافع اخيره نك دائماً طوبچييه قالى محتملدر .

[۰] بوفات قطميدر . حتى فلاوزويچ زمانده بيله طوبچينك  
 سرفى جسم بطريه لرى اثنای محاربه ده طوبلايه بيله جك قدر  
 دكلدى . مثلاً : ( فريدلاند ) و ( واغرام ) ده اولدينى كي .

جسیمہ احتیاطدہ بولندیرہ بیلیر . طوبجی ، بر نقطہ اوزرندہ  
جسیم وطوبلی بطریہ لر حالندہ استعمال اولنور . ۲۰ : ۳۰  
طوب یالکز بر بطریہ ہیئتہ کیرہ رک یا نقطہ اصلیه ی مدافه  
ایدر لر و یا خود دشمن موضعک هجوم ایدیلہ جکی  
قرار لاشدیر یلن منطقہ سنی آتہ طوتار لر .

ثانیاً : بالحاصه ، دہا بدایتہ کلیتلی قطعاتی ایشہ  
صوقامغہ غایت دقت ایدہ رک محاربہ یہ پیادہ یی صوقلیدر ؛  
بونک ایچون اول امرده اوک طرفده نہ وار نہ یوق بونی  
آراشد رmq (چونکہ بو خصوصی اولجہ او کر نمک نادر آممکندر)  
ومحاربہ نک نہ حال کسب ایتدیکنی اکلامق ایجاب ایدر .  
اکر بو آتش خطی دشمنلہ مساوات حاصل ایدہ جک  
درجہ دہ کافی ایسہ ، و یا خود باعث استعجال اولہ جق برشی  
موجود دکل ایسہ ، علی العجلہ قوای سائرہ یی دہ محاربہ یہ  
صوقق خطادر ؛ زیرا دشمنی بوکبی محاربات ابتدائہ ایلہ  
الذن کلدیکی قدر یورmq ایجاب ایدر .

ثالثاً : دشمن ، آتش خطمزہ بولندیفی اراضی یی ترک  
ایتدرمک ایچون محاربہ یہ دہا سائر قوتلر ادخال ایدر ،  
و یا خود ایشی تأخیر ایتہمک ایچون المزدہ اسباب معقولہ  
بولنور ایسہ ، او حالہ ایلری یہ کشیف بر پیادہ خطی  
کوندر پرز . بوخط دشمنہ ۱۰۰ : ۲۰۰ خطوہ مسافدن

يا بيله رق، يا آتش و يا خود ايجاب احواله كوره سونكو ايله هجوم ايدر . [\*]

رابعاً: پياده نك وظيفه اساسيه سي آيسته بوندن عبارتدر . فقط بونظام، احتياطده برخط دها بولندره بيله جك قدر درين اولورسه احوالده بونقطه ده كي اجرا آتة كافي درجه حاكم بولنلمش ديمكدر . فقط قطعه لري ممكن اولديني قدر قول نظامنده تشكيل ايتمليدر ، كه بو ايكنجي پياده خطي ده ضربه قطعيه يي اجرايه مقتدر اولسون .

خامساً : سواری، محاربه ائناسنده ، محاربه يه كيريش قطعاتك كريسنده و كليتلي تلفاته دوچار اولميه جق وجه ايله يعنى طوپ و تفك مرميئاتك منزلي خارجنده بولنديي حالده ، ممكن مرتبه مدكور قطعه لك يقيننده طور مليدر . فقط محاربه ائناسنده مساعد فرصت دوشدجه درحال استفاده ايتمك ايجون سواري يي دائماً الله بولندرمليدر .

۴ — بوقواعدي آرزوق صادقانه تعقيب ايتلي و آتيده كي قواعد اساسيه يي هيچ برزمان نظر دقتدن آييرمالمليدر . بوقاعده ده فوق العاده اصرار ايده جكم كي اهميتني بيانه ده حاجت كوره م :

[\*] شيمي بولرك هيسي دكيشمدر . زيرا بومساده دن انحق سونكو ايله هجوم ايديله بيلير . بوندن باشقه بو ، ناپوليون دورده ده اوله يته طوغري اوله منه ، اما فرهدريق دورنده اولورسه اوله بيلير .

« هیچ بر زمان قوتلرک کافہ سیلہ یکدن محاربہ بہ کیریشمہ ملیدر ؛ یوقسہ قوای مذکورہ بی سوق وادارہ ایتک ایچون ہربر واسطہ دن محروم قالنمش اولور ؛ نرہ دہ ممکن اولورسہ دشمنی ضعیف قوتلرلہ اورادہ یورملی ، نتیجہ قطعہ ایچون صوک برقوت صاقلاملیدر . فقط بوصوک احتیاطدہ محاربہ بہ کیردکدن صوکرہ بونی صوک درجہ برجسارتلہ استعمال ایتلمیدر .

۵ — کرک بتون سفر وکرکسہ بتون بر حرب ایچون بر نظام حرب ، یعنی محاربہ دن اول ویا محاربہ اثناسندہ قطعاتک نہ صورتلہ تشکل ایدہ جکنی ترتیب ایتلمیدر . نظام حرب ، ترتیبات خصوصہ المق ایچون الدہ وقت بولندینی تقدیردہ ایشہ یارایہ بیلیر . بناء علیہ بودہ بالترجیح حال تدافعی بہ کورہ اولملیدر . بونظام حربک فائدہ سی دە اردونک طرز محاربہ سنہ بر اصول القا ایتمسیدر ، کہ بودہ مادون جزالرلہ قطعات مفرزہ باشندہ بولنان سائر ضابطانک قسم اعظمی تعییہ جہ معلومات ذاتیہ دن محروم بولندقلری وخصوصیلہ حربہ استعداد فطریلری بولندینی جہتلہ ہم الزم ، ہمده فائدہ لیدر . [\*]

[\*] دکل بالکز قوماندانلرک ، حتی افرادک بیلہ فعالیت ذہنیہ سنہ هیچ ر نظام بدل اولہ ماز ؛ بوندن باشقہ ، نابولیون حربلرندن صوکرہ کی دورلردہ ، وخصوصیلہ کافہ ترتیبات خصوصہ

بوندن ده بر اصول ميدانه چيقار، که بو اصول ، قنک بولنديني يرده او نقصاني اتمام ايدر. بناء عليه ايجه قناعت کسب ايتدم، که بو خصوص ناپوليون اردولرنده فوق العاده بدرجده ايدى. [\*\*]

لزامنه بدل بر کره اولقي اوزره قطعي بر محاربه نظامي قبول ايتمک فکر ستمينه تبعيت ايدلمش اولان اردولرده کورولديکي وجه ايله نظام قطعي، فقدان فکره باعث اولور . فلاوزويچک بوراده بيان ايتديکي فکره، شبهه سز ايکنهي فره دريق دورينک بريکي تأثيرينک تيجه سيدر. حالبوکه بوتأثير، يکنظرده «عجبا زرده طور ملي؟» دکل «عجبا فصل حرکت ايتلي؟» سؤالنک موضوع بحث اولديني محاربه لک طبيعتيله طبان طبانہ ضددر . بناء عليه بو سؤاله ، اي تنظيم ايدلمش قطعي بر نظام ايله جواب ويرمک ممکن دکدر . ايستر تجربه ديده اولسون ايستراولسون، ايستر قابليتلي بولسون ايستر بولمسون، قوماندانلر انشاي محاربه ده داغما سريماً حل ايدلمکي ايجاب ايدره ک کندي کنديلر بنه اي کوتو حله مجبور اولدقلري بو مدهش مسئله قارشيسنده بولنه جقلردر.

[\*\*] فرانسز اردوسنده نظام خصيصنده دکل، فقط حرکت خصوصنده بر اصول وار ايدى، که اوده شو ايکي کله ايله افاده اولنه بيلير: محاربه ده اتحاد ، صوک درجه بر هجوم. بو اصول ، مع مافيه قطعي محاربه نظامي استثنا ايدلديکي تقديرده فلاوزويچک شو محظوره ده غايت هميق بر صورتده ايضاح ايتديکي هر شيدہ منجلى اولور . بونده درين نظامه ، هجومه بر کره باشلانقدن صوکره صوک نفرى استعمال ايدنجيه قدر معندانه بر مبارزه يه، والحاصل اولجه بر وظيفه معينه وخصوصيه ي درعهده اتمامش

۶ — یوقاریده صنوف مختلفه نك استعمائسه دائر  
سویلدیکم شیرہ نظرآ برلوا ایچون محاربه نظامی همان همان  
آتیده کی وجه ایله اولمیدر :

محاربه به بریاده خطی ایله باشلاملی، و بو خط کسیک  
اراضیده نو عماً پیشدار و طیفه سنی کورملیدر ؛ طو بنجی  
ایکنجی خطده، نقاط مهمه اوزرنده یاییلمغه مهیا بولنمایدر.  
( بو صنف موضعه بولندجی دایماً برنجی پیاده خطنك )

اولان قطعاتك طویلره هجومنده تصادف ایدیلیر . فرانسر ،  
« آرقول » ده اولدینی کبی یول قول نظامنده هجوم ایتمکده  
ویاحود تلمات کثیره پی متعاقب کسیدیلرینه تخصیص ایدیلن موضع  
مطفه سنی محافظه ایتمک ایچون واسطه یکانه حالی بولدینی زمان  
« آسپهرن » ده خاصه غره نده لرینك یابدقیری کبی برصره اوزره  
یاییلمقه اصلاً تردد ایتمیورلردی . اگر ایلرک قوماندانلری قطعی  
بر محاربه نظامنك تأثیر تحکمی التنده بولغش اولسه لر ایدی ،  
شو یاییلان حرکتلرک هیچ بری عقلرینه کلزدی . احتمالک  
« آرقول » ده ده یول قول نظامندن عیری بر نظامده هجوم ایتمک  
عیر ممکن اولدینی بیان ایدیلرک اعتراض اولنور . بو پک  
طوغریدر ؛ فقط بابولیونك محاربه ایتمک ایچون ظاهراً جزئی  
ماسبست بر موقع انتهاب بیکده کاملاً - - - بولدینی ده  
یا کلش برشی دکلدر . شاید کرک کدی . کرکه دولری قطعی  
بر محاربه طریک تحت تأثیرنده بولغش اولسه لر دی ، محبا  
ناپواون سو حرکت ایندیکی کبی حرکت ایده بیلمی ایدی ؟  
انسانک ، دوشونمکدن کندیسنی معاف طوته رق فعالیت ذهنیه به  
بدل ممارسه ایله حاصل اولش بر عملیات وجوده کثیر هرشی

کریسنده بولنور . ) اندن صوکره یاییلمغه و آتش ایتمکه  
 تمین اولنان پیاده برنجی خطی بولنمیدر . بونک ده بوراده کی  
 قوتی ۴ طاوردرد ؛ انک کریسنده ایکی سواری آلاپی .  
 دها کریده ده نتیجه محاربه به تخصیص اولنان احتیاطی  
 تشکیل ایدن پیاده ایکنجی خطی ، بونک کریسنده ده  
 بوخطک طوبجیسی ایله سواریسی بولنمیدر .

غایت قوتلی بر مفرزه ، عین قواعد اساسیه به ،

---

قبوله نه درجه ، میا بولندیغنی بالماسبه بر قاج کره نظر ملاحظه به  
 الدق . بناء علیه شومشغول اولدیغمز حالده ، قطعی محاربه نظاملری ده  
 انسانی بو زحمتدن قورتارمغه ، عطالت فکریه یی تلذیذ ایتمکه  
 صوکره درجه بر قابلیت حائزدر . ایشته ، اوکره نیلن نظاملرک نه درجه  
 مطلق اولدیغنی اثبات ایدن مکمل ، شایان استفاده بر مثال :  
 یا کیلیورسم روسیه ده قطعی نظاملر ۱۸۵۴ سنه سنده الفنا  
 ایدلمشدر . پک اعلا ؛ ۱۸۷۷ سنه سنده ، یعنی او تاریخدن یکرمی  
 سنه صوکره «پلونه» خط عاصره سنک جبهه غربیه یی اوزرنده ،  
 اسکی مقنن نظامه نظراً خط مذکور اوزرینه مسافات متساویه  
 ایله تقسیم ایدلمش بطریقه لرله برابر احد موضع ایدن قطعاته  
 تصادف ایدیوروز . مع مافیه حلی لار ممکن مسئله غایت بسیط  
 بر صورتده ظهوره کلشدی : کدیک آچق ایچون عثمان پاشانک  
 خروجنه انتظار ایدلمشدی ، بناء علیه تکمیل طوبجی یی  
 «وید» کوپریسی اوزرینه طوبلامق ایجاب ایدیوردی . ایشته  
 بن بو باده ایدیلن خطانی قوماندانلره دکل ، قطعی محاربه  
 نظاملرینه ربایت ایده رک وجوده کتیریلن اعتیادات فکریه به  
 اسناد ایدرم .



عین احوالہ کورہ تشکل ایدر . مع مافیہ محاربہ نظامنک یوقاریده کی خصوصاتہ تماماً مشابہ ویاخود براز فرقلی بولمنسک پک اوقدر اہمیتی یوقدر . اصل مادہ ، بولنرک یوقاریده کی قاعدہ لہر مخالف بولنامسندن عبارتدر [\*] مثلاً پیادہ برنجی خطنک سواریسی بر معتاد النان نظامدہ ایکنجی خط سواریسیلہ بر پردہ بولنہ بیلیر . فقط شاید بوموضعده ، پک زیادہ کریدہ قالمش بولنورسہ دہا ایلری وندرملک شرطدر .

۷ — براردو ، ہر برینک قوماندانی وارکان حربیہ سی بولنق اوزرہ یکدیگریہ مشابہ بر طاقم قطعات مستقلہ دن مرکبدر . بو قطعہ لہر ، محاربہ یہ دائر قواعد عمومیدہ بیان اولندینی اوزرہ یا یکدیگری یانسدہ ویاخود یکدیگری کریسندہ بولندیریلور . بورادہ علاوہ ایدیہ جک بر ملاحظہ

---

[\*] ایشتہ اساس مادہ ؛ فقط قواعد مذکورہ یہ ظاہراً صوک درجہ مطابق اولسہ بیلہ ینہ قطعی نظام نظر دقتہ آلمیور . عجباً دشمن زردہ بولنورسہ بولنسوں ، دشمنہ زردہ تصادف ایدیلسہ ایدلسین ہیج بر قوت صرفندن ، ہیج بر فداکارلقدن چکینمہ رک صوک نفرہ وارنجیہ قدر هجوم ایتکی ؛ بعضکرہ هجومی ، آتشہ احضار ، بعضکرہ درحال سونکی ایلہ هجوم الملکی ، (دشمنی قوتمز حقندہ یا کیلتمی ایچون) برکون درین بر نظام ایرتسی کون خفیف بر نظام المنی بیان ایدن قواعدہ رعایت ایتکہ مساعد اولہ جی ہانکی اشکال ہندسیہ واردر ؟

وار: اوده سواری جهتدن ضعیف بولنمدینی زمان  
بو صنفدن خصوصی بر احتیاط تشکیک ایتمکدر. بو احتیاط  
بالطبع کړیده بولنه جفی کبی آتیده کی وظیفه یی ده اجرا  
ایتملیدر:

اولا: دشمن محاربه میدانندن چکلدیکی زمان اوزرینه  
آتیلمی ورجعتی سترایچون استعمال ایده جکی سواری ایله  
چارپیشملیدر. اگر دشمنک بوسواریسی او ائنده مغلوب  
ایدیلیرسه، دشمن پیاده سی قهرمانانه خارقلر اظهار  
ایتدکدن سوکره، نتایج عظیمه امید ایتمک هر زمان ممکندر.  
بالطبع کوچوک سواری قطعه لری بو مقصده واصل  
اوله مز؛

ثانیاً: دشمن حتی مغلوب اوله دن بر حرکت رجعیه  
اجرا ایدر و یا خود غائب ایدلش بر محاربه نك ایرتسی  
کونی رجعت ایتمکده دوام ایدرسه، بونی سرعتله تعقیب  
ایتملیدر. سواری پیاده دن ده ا سربع اولدینی کبی رجعت  
ایدن قطعه لر اوزرینه ده قوه مغنویه یی کسر ایدیچی  
بر تاثیر اجرا ایدر. مظفریتدن سوکره حربده اک مهم  
شی، تعقیبدر؛

ثالثاً: چوق مسافه طولاشه جفی جهته سربع حرکت  
ایدر بر صنف استعمالنه احتیاج کورلیدیکی زمان بیوک  
برجویرمه حرکتی اجرا ایتملیدر.

برده بو قطعہ نك عظیم بر استقلالیتہ مظهر بولمسی  
ایچون بوکا سواری طوبیجیسی ده الحاق ایتملیدر ؛ زیرا  
برجوق مختلف صنفلرک ترکیبی قوۂ عظیمه تشکیل ایدر .

۸ — قطعاتک محاربه نظامی یالکز محاربه یه عائددر ؛  
بونظام ، قطعاتک محاربه ائناسنده اله جقلری نظامدر .  
فقط یوروش نظاملری اساساً آئیده کی وجه ایله در :

برنجیسی : هر مستقل قطعہ نك (لوا ویا خود فرقه نك)  
پیشداری و دمداری اولوب بوقطعه آیرجه بر قول تشکیل  
ایدر . بو'خصوص ، یکدیگرینه مشابه ایکی ویا خود اوج  
قطعہ نك بر یول اوزرنده یورومه سنه و بوضورتله بر درجه یه  
قدر غایت جسم بر قول تشکیل ایتمه نه مانع اوله ماز ؛ [۹]

[۹] بویکی حالرده اولا : قوللرک اوزون اولسندن کمال دقتله  
اجتناب ایدره رک ؛ ثانیاً : اراضی مساعد ايسه پیاده ایله سواری بی  
یولک کنارلرنده یوروتوب قطعاتی غایت بیوک برجهه اوزرنده  
حرکت ایتدیره رک ؛ ثالثاً : آئیده کی قاعده معلومه واسطه سیله  
کچیدلردن مرور ائناسنده توقفلردن اجتناب ایدره رک قوللری  
ممکن مرتبه قیصالتمق غایت مهملدر . مثلاً : ۱ نجی ، ۲ نجی ،  
۳ نجی اولوق اوزره صره نومروس سیله ایلرله یس اوج فرقه دن  
مرت بر قولی اله الالم . برنجی فرقه کچیده اصل اولور اولماز  
کچیدی کچر ، ایکنجی فرقه ایله اوزمان یولدن چیقهرق موله ایدر .  
اوجنجی فرقه بولنه دوام ایدر . برنجی فرقه نك ارقه سننده  
اولدینی حالده کچیدی کچر . برنجی فرقه کچیدی کچدکدن

ایکنجیسی: بوقطعه لر عمومی محاربہ نظامندہ یکدیگری  
تعقیب ایچون ترتیب ایدیلن صرہ موجنبجه ، والحاصل  
یا یکدیگری یاننده ویاخود یکدیگری کریسنده بولنه حق  
وجه ایله حرکت ایدر لر ؛

اوچنجیسی: بوقطعه لر کهربری دائماً آئیده کی نظامه رعایت  
ایدر : پیاده ، پیشداری ( ویاخود دمداری ) تشکیل ایدر ؛

صوکره یولدن آریله رق موله ایدر ؛ بوسفر اوچنجی فرقه ،  
برنجی فرقه نك اردوگاهنی کچهرک موله ایدر ؛ حالبوکه اوزمان  
ایکنجی فرقه ، اوچنجی فرقه نك نهایتی کچر کچمز کچیدی مرور  
ایده بیله جک وجه ایله یوله قویولور ، بده ایریلکه دوام ایدر .  
اوزمان برنجی فرقه ، ایکنجی فرقه نك کریسنده قول نظامه  
کیره جک وجه ایله اردوگاهندن آریلیر ، بده اوچنجی فرقه برنجی  
فرقه نك کریسنده قول نظامه کیرمک ایچون عین وجه ایله حرکت  
ایدر . تکمیل قول کچیددن کچدکدن صوکره فرقه لر آئیده کی  
صره اوزره بولنور: ۲ نجی ، ۱ نجی ، ۳ نجی . طوبخیسيله برابر  
برپیاده فرقه سنک یول قول نظامندہ بش کیلومتره برطول استیجاب  
ایده جکی قبول ایدیلیر . تکمیل قولک ایریلسنه اصلاخل کلدن  
بواصول سایه سنده قطعه لر اوج ساعت استراحت ایدر لر . نظام وانتظامی  
ادامه ایتمک ایستین قوماندانک ، قطعه لر کچدیکی تکمیل مدت ائناسنده  
بالذات کچیدک مدخلنده بولنسی قاعده دندر . ایشته بونک ایچون  
داووت ۱۸۰۶ سنه سنده « آورشنت » محاربہ سنک ایلك  
دورلرنده بولنه مامشدر ؛ چونکه قطعاتک کچید حرکتہ نظارت  
ایتمک ایچون « زال » کوپرسنده قالمشدی .

بوکا سواری ده الحاق اولنور . بعده پیاده ، دها صوکره  
 طوبچی ، دها صوکرده سوارینک قسم متباقسی کلیر . [\*]  
 بونظام، موازی بر یوروش اجرا ایدلیدیکی زمان  
 استعمال اولندیکی کبی دشمنه طوغری تقرب ایدلیدیکی  
 زمانده استعمال اولنور . ایشته اوزمان، غایت طبیعی  
 برنظام اولمش اولور . برنجی فرضیاته نظراً یایلمه ائسانده  
 یکدیگری یقیننده بولمغه تخصیص ایدیلن قطعه لر بری برینک  
 یانده یورومکه مجبور اولور . فقط یایلمغه باشلانندیکی  
 زمان سواری ایله پیاده ایکنجی خطنی صاعه صوله تفریق  
 ایچون الده ایچه وقت بولنه بیلیر .

### ۳ — اراضیدن استفاده ایتک خصوصنه دائر قواعد اساسیه

۱ — اراضینک ( طوپراغک شکلک ، اراضینک  
 طبیعت طوغرافیه سنک ) حرب نقطه بطرنندن ایکی  
 فائده سی واردر :

[\*] بونظام نه قطعاً اعلا، نه ده طبیعی بر نظامدر ؛ زیرا  
 افکار محاربه به نظراً طوبچی بی قوتلرک قسم کلیسنک تشکیل  
 ایتدیکی قولک اوکنده یوروتمک ، بونک اوکنده ده پیاده نک جزئی  
 بر قسمی بواندرمق اک معقول بر اصولدر . برده ، تعقیب حالده  
 احتمالک سوارینک تکمیل قولک ایلریسنده یورومسی ایجاب ایدر .

برنجیسی : حرکاته ، تقربه مانع تشکیل ایدره رك دشمنك  
بر نقطه معلومه دن کیر مسنه مانع اولور . ویا خود هیچ  
اولمازسه دشمنی دها اغر حرکت ایتمه ، قول نظامنده  
قلمغه مجبور ایدر .

ایکنجیسی : قطعاتی نظردن محفوظ بولندرمق وسائطی  
احضار ایدر .

بویکی فائده فوق العاده بر ایهیتی حائزدر ؛ فقط بنجه  
ایکنجیسی دها ایهیتلیدر . شبه سزاك زیاده ایکنجیسیندن  
استفاده اولنمقدهدر . زیرا غایت دوز بر اراضی هر درلو  
حالاتده آز چوق مستور بولنمغه مساعددر .

اوللری بوفائده لردن یالکز برنجیسی بیلدر ، ایکنجیسیندن  
هیچ استفاده ایدلمزدی . [\*] فقط اردولرك بوكونکی  
سرعت فوق العاده سی برنجینك استعمالنی اولدجه تقلیل  
ایتمشدر . بناءً علیه اکثرا ایکنجییه مراجعت ایتك  
ایجاب ایدر . برنجی حال یالکز تدافعییه ، ایکنجیسی ایه  
هم حال تدافعییه همده تعرضیه موافقدر .

۲ — تقربه مانع کبی تلقی اولنان بر اراضیدن ،

---

[\*] عجا بوطوغریمیدر؟ هرکس بیلیر ، که وحشیلرك اصول  
حرری بالخاصه بوصوله بنا تأسیس اولنمشدر . قلاوزویج بوراده  
تاریخ عسکرینك ناپولیون دورندن اولکی دورینی نظر دفته  
المیدر .

یا جناح لره استناد و یا خود جبهه نك واسطه تقویه سی کی  
ایکی صورت له استفاده اولنور .

۳ — بر جناح استناد اولمق اوزره تخصیص اولنان  
بر مانع ، مثلاً : بیوک برنهر [۰] ، بر کول ، بر بطاقلق کی  
قطعیاً غیر قابل مرور بر مانع اولمیدر . فقط اکثر یا بوکی  
موانع تصادف ایدلدیکی کی جناح لره ایچون بسبتون  
امین بر مانع ده فوق العاده نادر در . چونکه بوکونکی کونده  
دها چوق موضع تبدیل ایدلدیکندن ، بر موضعه اوزون  
مدت قالمدیغدن و بناء علیه دار الحركات اوزرنده مواضع  
مختلفه اشغال ایتک ایجاب ایتدیکندن ، بوکی مانع زما نژده  
ادوار سابقه کنندن ده نادر در .

طوغری سویله مک لازم کیرسه قطعاً غیر قابل مرور  
بر مانع یا نلره استناد اوله ماز ، ساده تقویه ایده بیلیر .  
بناء علیه قوتلری بومانع کریسنده بولندرملیدر ؛ فقط  
اوآندن اعتبار آده بومانع مذکور قوتلرک حرکاتی  
اشکال ایدر .

مع مافیه یا نلری بویله بر مانع له تقویه ایتک دائمافائده لیدر ؛  
چونکه بوخصوص قطعانک بونقطه اوزرنده کی قوتی  
آزالتنه مساعددر .

---

[۰] برنهر انجق هرایکی ساحله ده حاکم بولنلدیغی زمان  
یا نلره جدی بر استناد اوله بیلیر .

فقط يالكز ايكي شيدن اجتناب ايلمك ايجاب ايدر .  
 اولاً : الله قوتلى براحتياط بولندرميه حق وجهايه يالكز  
 بر جناحك امنيتنى صوك درجهيه قدر واردير مامليدر ؛  
 ثانياً : هر ايكي جناحدهده موانع متشابهه ايله محاط  
 بولنمامليدر . زيرا بومانلر ، بر امنيت مكمله تشكيل  
 ايتدكلى زماندن اعتباراً محاربهي جناحدرده عديم الامكان  
 بر حاله ارجاع ايدمزلر . هم مسئلهده او آندن اعتباراً  
 صوك درجهده مضر بر مدافعه شكلنى بك قولاي اله بيلير .  
 چونكه استناد ايتديكمز مانلر جناحلك برندن ، مدافعه  
 متعديه به كچمكلكمزه مانع اولور . بناءً عليه الكمضر بر شكل  
 مدافعهده ، يعنى ايكي جناحى ده كرى به طوغرى طويل  
 بر حال تدافعيده بولنش اولورز .

۴ — بالاده بيان اولنان مطالعات ، درين نظام  
 خصوصنده براهين جديده ميدانه قويتمقدهدر . جناحلمزك  
 امنيتى نه قدر آز اولورسه ، كريده بولنديره رق احاطه  
 ايتك ايستهين دشمنى چويره بيله جك قطعلر واسطه سيله  
 بوجناحلمزه استناد وظيفهسى كورمكده اودرجه لازمدر .

۵ — جبهه سندن مرور ايديله بيلن هر نوع اراضى ،  
 هر درلو مواضع ، قوبورلر ، چيتلر ، خندقلر ، هر نوع  
 بطاقلق چاپرلر ، ايجه زحمتله مرورى قابل هر درلو صرتلر



یوقاریده بحث اولنان صنفه عائد موانع ارضیه بی تشکیل ایدر .  
 بونلری کچمک ممکندر ؛ فقط غیرت و بطائنه کچمک  
 ممکندر . بناءً علیه بوکی موانع ، کربلرنده اخذ موضع  
 ایدن قطعہ لک قوه مقاومتی تزید ایدر . اغاچلری غایت  
 صیق و درونی بط-اقلق بولندیفی زمان بونلر میانه  
 اورمانلری ده ادخال اتمک مناسبدر . یوکسک اغاچلی  
 بر اورمانی کچمک ، بر وادی بی کچمکدن زیاده مشقت  
 حاصل اتمز ؛ فقط اورمانلر حقنده یالکز بر شی  
 اونوتماق ایجاب ایدر ؛ اوده دشمنی نظردن صاقلامسی  
 خصوصیدر . اگر بویله بر اورمانه کیریلیرسه مضرت  
 هر ایکی جهت ایچونده مساویدر ؛ فقط جبهه اوکنده  
 ویا جناحلرده بولسان اورمانلری اشغال اتمدن بر افاق  
 غایت تهلکلی اولدینی کبی پک بیوک بر خطادر . لکن  
 مذکور اورمانلری کچمک ایچون جزئی مقدارده یوللر  
 بولنورسه ایشک فنا جهتی دوشونیلدیکی حالده بیله شو  
 حال شایان قبولدر . مع مافیه حرکت بر مانع اولمق اوزره  
 احضار ایدیلن موانع فرعیه نك فوق العاده بر اهمیت  
 یوقدر ؛ چونکه بونلری سیلوب سپورمک غایت قولایددر .  
 ۶ — شو قواعدک کافه سندن اکلاشیلیر ، که نسبت  
 ضعیف قوتلرله اولدجه متین بر مقاومت استحصال اتمک  
 وعین زمانده ایجاب حاله کوره دیگر جناحدن بر حرکت

تعرضيه اجرا ايلمك ايجون يالكز بر جناحده بولنان موانع ارضيه دن استفاده ايلمك دها مناسبدر . موانع طبيعيه به استحکامات استعمالتي ده ضم ايتمه نك فائده سي واردر ؛ زيرا دشمن مانعي چكمه موفق اولورسه استحکاماتك آتشلري فائق بر هجومله غايت آني بر قارغشه لغه قارشى ضعيف قطعه لري حياه ايتمك ايجون ايشه تام زماننده مداخله ايدر .

۷ — جبهه ده ، وساده بر محاربه تدافيعه ايله اكتفا ايديلن كافه نقاط اوزرنده بولنان جزئي بر مانعك فوق العاده بر اهميتي واردر .

اوزرنده اخذ موضع ايديلن بتون صرتلر انجق بو سببه بناء اشغال اولنور . زيرا يوكسك بر موضع آتشلرك درجه تأثيرينه قارشى اكثر حالاتده غايت آلق بر موضع قدر اجراي نفوذ ايده مز . فقط غايت يوكسك بر موضعه بولنور سهق ، دشمن بزه يناشمق ايجون بو تبه يي كمال مشقتله چيقمعه مجبور اولديغندن بطائنه ايلريلر ، قارماقاريشيق كلير ، يانمزه قوتلري توكنمش اولديني حالده واصل اولور . بديهدر ، كه قوتله شجاعتك مساوي اولمسنه قارشى بويله بر فائده نك پك زياده تأثيري واردر . ايجه نظر ملاحظه به الته جق بر شي وارسه اوده سرعتله اجرا ايديلن بر هجومك تاثير مغنويسيدر .

قوشه رق هجوم ایدن بر نفر بو قوه مغویه سایه سنده ،  
 حس تهلکبه قارشی جوشنبوش شجاعت اولور ؛ یرندن  
 قیملدانیملر ایسه ، جسارت فکریه لرینی پک قولای غائب  
 ایدرلر . ایلریده بولنان پیاده وطوبچی خطنی بر صرت  
 اوزرنده بولندرمق دائما فائده لیدر .

میاہ جاریہ صغیره ، ایرمقلر ، چقوریوللر الح ... کبی  
 موانع سائرہ نک کافه سی دشمنک جبهه سنی یارمغه مدار  
 اولور . چونکه دشمن بو مانعلردن طولایی دیگر ساحلده  
 طولانلق مجبوریتنده بولندیغندن بو حال دشمنی براز  
 توقیف ایدر . ایشته بونک ایچون الہ چوق وطوبچی  
 بولنور وبو نقطه اوزرنده ده براز وطوبچی بولندیریلورسه  
 بو مانعلری اک مؤثر مرمیات ایله ( ۴۰۰ : ۶۰۰ ) دوکک  
 ایجاب ایدر . [\*]

۸ — بوندن شو قاعدہ عمویہ میدانہ چیقار :  
 یقینمزدہ بولنوبده جبهه مزى تقویه ایدہ جک اولان هر درلو  
 موانعی اک مؤثر آتشمز داخلنه المیدر . فقط دقت  
 ایدیلہ جک بر نقطه اساسیه وارسه اوده اولانجه مقاومتی

---

[\*] بو کون بو رقلرک عملیاتجه هیچ بر اهمیتی یوقدر .  
 اسلحه حاضرہ ایله ۶۰۰ : ۱۰۰۰ متره مسافده بولان برمانہ ،  
 پیاده وطوبچی آتشلرینک اک مؤثر منطقه سی داخلنده در .

يالكز آتشله تحديد ايتيوب قطعاتك ايجه بر قسمي  $(\frac{1}{4} : \frac{1}{4})$  سونكو ايله هجومه مهيا اولمق اوزره دائما كرده بولندر. مقدر. اكر قوتجه ضعيف بولتيليورسه آوچيلرله طوبچيلردن مرك بر آتش خطني مانعي دوكه بيله جك بر مسافيه يرلشدرمك، و قطعاتك قسم متباقيسني ممكن مرتبه مستورا ۶۰۰ : ۸۰۰ خطوه كرده صاقلامق ايله اكتفا ايتك ايجاب ايدر.

۹ — جهه اوكنه يقين بولنان مواعدن باشقه درلو بر استفاده ايتك ده، بو مانعلري جهه نك غايت ايلرسنده و طوبچينك اك اعلا منزلي داخلنده (۱۰۰۰ : ۲۰۰۰) براقق، دشمس قوللري مانعك ارقه سندن چيقديني زمان هر طرفدن اوزرينه بردنبره هجوم ايتكدرد. (دوق فرديساد «ميندن» ده بويله بر حركت يامشدر.) بو صورتله، ماعه ارضيه نك مدافعه متعديه به مداري اوليه جني كي اولجه بحث ايتمش اولديغمز بو مدافعه متعديه ده جهه ده وقوعه كلش اولور.

۱۰ — شو چكن قواعدك كافه سنده، مواع ارضيه اوزون موضعلر ايچون امتدادلي خطر كي نظر ملاحظيه اليمدر. فقط نقاط منفرد حقه ده علاوه ايديله جك دهها بمر نيلر واردرد:

اولا : منفرد صارپ تپہ لر .

بویله یرلرده هر حالده استحکامات انشا ایتک اقتضا ایدر؛ زیرا دشمن، مدافینه دائماً آرزوق جسم برجهه ایلہ تقرب ایدر؛ مدافعین ایسه ارقه سنی الدرمله ایشه نہایت ویرر. چونکہ هیچ بر زمان هر طرفه مقاومت ایدہ جک قدر قوتلی بولنیلہ مز .  
ثانیاً : کچیدلر .

بوفادہ دن ، دشمنک داخلندن کچہ رک یالکز بر نقطه یہ تقرب ایتسی قابل اولان کوپرولر ، سدلر ، قیالارہ سندہ کی طار بوغازلر کی هر درلو طار کچیدلر اکلاشیلر .  
کچیدلر حقندہ شونی ده بیان ایتک ایجاب ایدر .  
کچیدلر عمومیتله ایکی قسمه آریلیر : یامہاجین ، مثلاً : بیوک برنہر اوزرنده بولنان بر کوپرو کی ، بوکچیدلری هیچ بر زمان چویرمکه مقتدر اولہ ماز . او حالده مدافعین کچید نقطه سنی اولدقہ مؤثر بر صورتده دوکک ایچون بتون قوتی استعمالده سر بستدر ؛ ویاخود ، مثلاً : کوچوک برماء جاری اوزرنده بولنان بر کوپرو ایلہ طاغ کچیدلرینک قسم اعظمی کی ، بر چویرمه حرکتہ قارشى قطعی صورتده امین بولنیلہ ماز . ایشته اوزمان کلیتله حرکت ایتک ایچون قطعاتک ایچہ بر قسمی (  $\frac{1}{4}$  :  $\frac{1}{4}$  ) بالضروره الہ بولندرمق ایجاب ایدر .

ثالثاً : مواضع، کویله، کوچوک شهرلر الخ ...  
 غایت جسور اولمغله برابر فرط خواهشله اجرای  
 حرب ایدن قطعات ایله، عددجه غایت دون مرتبه ده  
 بولسان اولرده فوق العاده مدافعه اجرا ایدیلر. فقط  
 افرادک هر برینه آیری آیری کووه نیله میورسه یالکز  
 اولر ایله مانجه لری آوجیلرله، محرلری ایسه طوبخیلرله  
 اشغال ایتک شایان ترجیحدر. قطعاتک قسم کلیسنه کنحه  
 ( $\frac{1}{4}$  :  $\frac{2}{4}$ ) بو، یناشیق قول نظامنده اولدینی حالده دشمنک  
 محومی تقدیرنده اوزرینه آتلمق ایچون کریده و یاخود  
 بر موضعه کیزلی اوله رق بولندیریلور.

۱۱ — نقاط منفردنک بو صورتله اشغالی حرکات  
 جسمیه ده بعضاً ایلری قره غول کی استعمال اولنور، که  
 بو ایلری قره غوللرده، بر مدافعه قطعیه قدر ایلری  
 وارمیه رق اکثر حالاتده دشمنه یالکز مقاومت ایتک  
 کفایت ایدر؛ بعضاً ده، اردو ایچون تصمیم ایدیلر ترتیبات  
 حبسیله بر اهمیت خصوصیه کسب ایدن تقاطده استعمال  
 اولنور. بوندن ماعدا تصمیم ایدیلن مدافعه متعدیه اصولی  
 تزید ایتکه وقت بولمق ایچون اکثراً مرز بر نقطه  
 اوزرنده کمال متانتله نبات ایتک لازمکیر؛ مرز بر نقطه،  
 معنای حقیقیسیله، منفرد بر نقطه دیمکدر.

۱۲ — نقاط منفردیه دائر ایکی ملاحظه ده وار:

برنجیسی، بو نقطه لړك كړیسنده، بورالردن چكیله جك اولان مهرزه لړی طویلایمغه مهیا قطعهلر بولدرملیدر. ایکنجیسی ده بو واسطای تریبات تدافیه صره سنده قبول ایدرك اراضینك متاقی نه درجه اولورسه اولسون بوكا هیچ اعتماد ایتمه ملیدر. نالعكس بویله بر نقطه نك مدافعه سی كندیسنه تودیغ اولان كیمسه، حق اك فائده لی حالاتده بیله یالكر مقصده واصل اولمی دوشونملیدر. بونك ایچونده منع یكانه سنی حب شان ایله فرط حسیاتده بولان بر فكر ثبات وفداکاری اقتضا ایدر.

بویله بر وطیعه الحق بو کی حسیات اصیلانه دن محروم اولیان اسانلره مناسبدر.

۱۳ — كرك تریباتی وكركه قطعانك اجرا ایتدیكى حرکاتی صاقلامق ایچون اراضیدن استفاده ایتمك، اوزون اوزادی تعریفانه لزوم كوسترمر.

مدافعه سی آرزو ایدیلن صرتك (بو کونکی کونه قدر اکثرا واقع اولدینی کی) اك یوكسك نقطه سنده دكل، بونقطه نك كړیسنده اخذ موضع ایدیلیر. اورمانلرك اوكلرنده اخذ موضع ایدلیوب داخلنده ویا كړیسنده اخذ موضع ایدیلیر. بو تریبانه كوره مدكور اورمانلرك عین زمانده تحت ترصده بولنه بیلملری ده شرطدر. موانع مستوره دن دها ایی استفاده ایتمك ایچون قطعات قول

نظامنده بولنديريلور. افرادى صاقلامق ايچون كويلردن،  
 اغاج صره لرندن، جزئى بر اراضى طالفه سندن استفاده  
 اولنور. خصمه قارشى يورويش اجرا ايتك ايچون  
 بالترجيح اك زياده موانعه (قوپور) نصاف ايديلن اراضى  
 انتخاب اولنور. [\*]

اهاليسى چوق، مزروع بر مملكتنده مدافعين قطعلا-  
 تنك قسم اعطى اراضيدن استفاده ايدم بيلديكي تقديرده،  
 هر درلو كشمياتدن قورتيله ميه چق قدر غايت قولاي  
 اجراى كشميات ايديله جك هيچ بر محل موجود دكلدر.  
 فقط مهاجين، يورويشنى كيزله مك ايچون پك چوق  
 زحمت چكر؛ چونكه جاده لرى تعقيه مجبوردر.

آرتق كندى كندينه اكلاشيلير، كه قطعلاى مستور  
 بولندرمق ايچون اراضيدن استفاده يه غيرت ايدمرك تصميم  
 ايديلن افكار ومقاصدى نظردقتدن دور طوتامق ايجاب  
 ايدر. خصوصيله بعض تجاوزاتى كندينه مساعد بوله رق  
 محاربه نظامنى كاملاً بوزمق هيچ مناسب دكلدر.

۱۶ — بورايه قدر اراضيه دائر بيان اولنان  
 قواعد طويلانيرسه، اكلاشيلير، كه مدافعين يعنى بر موضمك

---

[\*] معلومدر، كه بوراده كى «قوپور» كلمه سى هر زمانكى  
 معنايه دكلدر. قوپورلر حركته مانع اولورلر، يوقسه رويته  
 مانع اولمازلر.



انتخابی ایچون، آئیدہ کی مواد الک زیادہ شایان اہمیتدر:  
 برنجیسی: جناح لردہ (یاخودیا لکر بر جناحہ) استناد  
 نقطہ لری؛

ایکنجیسی: جہہ دہ ویانلردہ قابل رؤیت واسع بر میدان؛  
 اوچنجیسی: جہہ یہ قریب موانع ؛  
 دردنجیسی: قطعاتی مستور بولندرمق ایچون محال محفوظہ؛  
 بشنجیسی: مغلوبیت حالندہ تعقیبی تأخیر ایچون موضعک  
 کریسندہ کی اراضینک کسیک بر طییعتندہ بولنسیدر؛ فقط  
 بو اراضینک غایت یقینندہ (فریدلانددہ اولدینی کی)  
 بر یکید بولناملیدر۔ چونکہ بو، توقفہ، پریشانلغہ  
 سبیت ویرر۔

۱۵ — بو شرائطک کافہ سنکدہ حربہ لزومی  
 کوریلن ہر بر موضعہ تصادف ایدیلہ جکنی تصور ایتک  
 دھا طوغریسی عقلا لقدر۔ اول امردہ کافہ مواضعک  
 بر فائدہ متساویہ مالک بولنسی قابل دکلدر۔ بو موضعلرک  
 اک مہمی ایسہ هجومہ اوغرامق طالغہ اک زیادہ مالک  
 و بوکی فوائدی اک زیادہ حائر بولنان موضعلردر۔ سائر۔  
 لزندہ ایسہ بو فوائد آز جوق بولنہ بیلیر۔

۱۶ — مہاجینہ کلنجہ: اراضیدن ایکی نقطہ نظرندن  
 استفادہ ایدر۔

برنجیسی: هجوم نقطه سی اولق اوزره مروری قولای  
 بر اراضی بولور؛  
 ایکنجیسی: خصمنک، قوتی نہ حمله کشف ایدہ بیلہ جکی  
 بر اراضیدہ حرکت ایدر . [۰]

[۰] بو قاعدہ لک برنجیسی، منفرد اوله رق نظر دقته النان  
 بر اراضی به نظراً طوغریدر؛ فقط قطعات عسکریه ایله مسئله نك  
 جهت ممنویہ سی داخل حساب ایدیلیرسه طوغری اوله ماز. بو  
 عناصرك كافه سی ترکیب ایدیلیرسه بدیهیدر، که هجومه اك زیاده  
 مساعد اولان نقطه ، اوزرنده بولنان دشمنك دوچار هجوم  
 اوله جفی اك آز امید ابتدکی نقطه دره نظر راصده، بر ترکیب  
 کمیویدہ اولدینی کبی كافه عناصرك مکنوز بولندینی بر هیئت  
 همومیه کبی کورونن بر حادثه حیاتیہ نك تحلیلی یعنی سچلمسی  
 برواسطه متینه در؛ فقط انی کال تمیز ایله استعمال ایتك ایجاب  
 ایدر . شبهه سز، که قلاوزویچده یازمش اولدینی قاعدہ نك قیمت  
 محدودده سنه واقفدر؛ فقط مؤلف فکر نسبیسنی کوسترمکده  
 امال ایدهرك جزئی دقتی و یاخود خصوصات تحلیلیه به درجه  
 کافیه ده اعتیادی اولیان بر قارئی خطایه سوق ایتك تهلیکه سنده  
 بولیور. بوندن باشقه، طوغریسنی سويلك لازمکلیسه، قلا  
 وزویچ اراضیدن بحث ایدرکن امرادی بمبتون نظر دقتدن دور  
 طوتمیور؛ چونکه مشارالیه تقریبی مشکل بر موقع اتهامی توصیه  
 ایدهرك افرادك حرکتیه بادی اولان قوه محرکه بی ده نظر دقته  
 الیور . مع مافیہ افرادك قابلیت طبیعیه سی نظر دقته الوبده كافه  
 نتایجی اوج اوجه جویرن قابلیت ممنویہ یی نیچون امال ایتلی؟  
 هجوم نقطه سنك اتهامی خصوصنده «محال نظریه سی» دها زیاده  
 کسب حقیقت ایتش کورونیور . زیرا معلومدر، که خصمی قوه

۱۷ — اراضینک استعمالنه دائر اولان شوملاحظاته،  
مدافعه نقطه نظرندن مهم اولغله برابر نوعاً مدافعه  
نظریاتنک نقطه اساسیه سنی تشکیل ایدن بر قاعده ایله  
نهایت ویره جکم؛ اوده شودر:

هر شیئی اراضینک متانتندن بکله مه ملیدر .  
بناء علیه غایت متین بر اراضی یه ده کو و نه رک مدافعه  
مطلقه بی اختیار ایتمه ملیدر.

فی الحقیقه اراضی، مهاجمینک بزی طرد ایده -  
میه جکی درجه ده متین اولورسه مهاجمین شبهه سز بزی  
چویرمه قرار ویره جکدر، که بو حال هر زمان ممکن  
اولدینی کبی الک متین بر موضعی ده فائده سز بر حاله پک  
قولای ارجاع ایده بیلیر. هم اوزمان بستیون باشقه بر طاقم  
شرائطه تحتده و باشقه بر اراضیده محاربه ایتمکه مجبور  
اولورز. بناء علیه بو حال، ایلك موضعی ترتیباً مزه داخل  
ایتمدیکمز زمان ده عین وجه ایله وقوعه کلیر. بالعکس  
اراضینک فوق العاده بر متاتی حائر اولدینی فرض ایدیلیر،  
و خصم ده مذکور اراضیده ایکن اوزر مزه هجوم ایده بیلیرسه،

---

ممنویه جهتیه باصمق قدر . و فقیات عظیمیه باعث اوله جتی برشی  
اولدینی نهسته بو نظریه ده دشمنک کوچ، تهلکلی، غیر ممکن  
قیاس ابتدیکی شیئه تشبث ایتمکی توصیه ایتمکده در.

او حالده بزه تأمین ابتدیی منافع مدافعه مطلقه نك محاذیرنی هیچ بر زمان تلافی ایدمهز. [۵] بناءً علیه كافه موانع ارضیه انجق قسماً بر مدافعه ایله، آز قوتله نسبه بیوك بر مقاومت حاصل ایتمه و تعرضدن استفاده ایتك و وقت قازانمغه مساعد اولمق خصوصنده اویله بر قیمت حقیقیه یی حائزدره که بو واسطه ایله نقاط سائره اوزرنده مظفریات حقیقیه کسب ایتمه غیرت ایدیلیر.

۱۵۲  
مدرسه  
۹




---

[۵] ماره شال دوویللار: «یا لکتر، مدافعه انسانی محو ایدره» دیمکی حادث ایدیمش ایدی. شبهه سزه که بوندن مقصدی «مدافعه مطلقه» دره چونکه مدافعه متعديه بر مدافعه اولمقدن زیاده بر تعرض صاییلیر.

## سوق الجیش

سوق الجیش ، مقصد سفره ویاخود مقصد حربه  
واصل اولمق خصوصه : ناء حربك تركب ايتديكي محاربات  
منفرده دن عبارتدر .

اگر محاربه ایتک ، غلبه جالمق اصولی بیلنیرسه ،  
بیلنه جک آز برشی قالمش دیمکدر . زیرا نتایج حسنه پی  
یکدی یکدیله مزج ایتک غایت قولایدر ؛ بوخصوص بالکزر  
محرِب [°] بر قوه عقلیه نک یابه جنی بر مسئله اولوب محاربه نک  
اداره سی کبی آریجه بر معلوماته توقف ایتمز .

سوق الجیشه وبالخاصه حکومتلر ایله اردولرک تشکله  
دائر غایت جزئی قواعد اساسیه ، روحلی نقطه لری ایله  
شوراجقده مختصراً خلاصه ایدلمشدر :

### ۱ — قواعد عمومی

۱ — اداره حرب باشلیجه اوج مقصدی حاویدر :

---

[°] یعنی نجره ایله آجیلش ، دائما احوال حربیه پی دوشونمکله  
کسب متانت ایتمز .

برنجیسی: دشمنك قوای مسلحه سینه غلبه ایدرك

خراب ایتك ؛

ایکنجیسی: مبارزه وسائط مادیه سی ايله ساثر مالک

اولدینی منابع مقاومتی ضبط ایتك ؛

اوچنجیسی : افکار عامه یی قازانمقد ر .

۲ — برنجی مقصده موفق اولق ایچون حرکات

اصلیه یی دائما خصمك اردوی اصلیه یی ویاخود دشمن

قوتلرینك اكهم قسمی اوزرینه توجیه ایتلیدر . زیرا

دیگر ایکی مقصدی کمال موفقیتله تعقیب ایتك انجق بوقوتلری

مغلوب ایتدکدن صوکره اولور .

۳ — دشمنك مبارزه وسائط مادیه سی ضبط ایتك

ایچون حرکاتی ( پانتختر ، دپولر وجسیم قلمه لر کبی )

بو وسائطك مجتمع بولندینی نقطه لر اوزرینه توجیه ایتلیدر .

زیرا دشمنك اردوی اصلیه یی ویاخود بواردونك قسم کلیسی

مذکور محللره کیدن یوللر اوزرنده بولنور .

۴ — اکنه ایت افکار عامه ده ، مظفریات عظیمه قازانمق

ویاخود پانتختر ضبط ایتکله قازانیلیر .

۵ — بو مقاصده وصول ایچون نظر دقته انه جق

اک برنجی واکمکمل قاعده : الده بولنان قوتلری صوکره

درجہ بر قوت صرف ایدنجیہ قدر ایشہ اشتراک  
 ایتدر مکدر. تساوی غیرت ؛ مقصدی، تعقیب ایدیلن  
 نقطه دن خارجه چیقاریر. بونک ایچون حتی شایان ممنونیت طالع  
 موفقیات موجود اولسه بیلہ نتیجه بی بسبتون قطعی برحاله ارجاع  
 ایچون صوک درجه غیرت ابراز ایتمه مک عقلسزلنک صوک  
 درجه سی اولمش اولور ؛ زیرا بو غیرت هیچ بر زمان نتایج  
 مشثومه یه اقترا ن ایده مز. مملکتک بو یوزدن غایت مشکل  
 بر باره تحمل ایتمی لازمکدیکی فرض ایدلسه بیلہ لایققله تدقیق  
 ایدلدیکی حالده بو خصوص بر مضرت وجوده کتیره مز .  
 چونکه بوبار ، مملکت اوزرینه تحمیل اولنمزدن اول  
 اورته دن قالقار .

شدتلی براستحضارات عسکریه دن نشأت ایدن تأثیر  
 معنوی یه فوق العاده بر اهمیت ویرملیدر . بواهمیت ،  
 هرکسه موفقیات حقنده بر اعتماد قوی ویرر . بو خصوص  
 عمومک فکرینی شوق وغیره کتیرمک ایچون اک اعلا  
 بر واسطه در .

۶ — ایکنجی قاعده: وسائط حرکتی ممکن مرتبه  
 مصادمه قطعیه نک وقوعه کله جکی نقطه اوزرینه  
 جمع ایتمک و طالع موفقیاتی نقاط اصلیه اوزرنده تزیید

ایتمک ایچون، نقاط سائر اوزرنده موفقیتسنز لکه دوچار اولمق تهله کسنی کوزه آلدرمقدر. نقطه اصلیه اوزرنده کسب ایدیلن موفقیت، نقاط سائر اوزرنده وقوعه کل سائر موفقیتسنز لکری ازاله ایدر.

۷— اوچنجی قاعده: هیچ زمان غائب ایتمه مکدر [۰]  
وقت قازانمق خصوصنده نه زمان بر فائده اساسیه مالک بولنلمازسه، اثنای حرکاتده ممکن مرتبه سرعتله حرکت ایتمک ایجاب ایدر. سرعت، دشمنک اتحاد ایدیه جکی بر جوق تداییری دها بدایتده اقنا ایدیه جکی کی افکار عامه بی ده جلب ایدر.

سرعت حرکاته وابسته بولان باصقین، سوق الحیدشه تعصیه ده کندن زیاده مهم بروطیقه ایفا ایدر. باصقین ال مؤثر بر قاعده مظفریتدر. ناپولیون، ایکنجی فرم دریق، کوستاو آدولف، سزار، آنیبال واسکندر [۰۰]، شان شهرت لرینک بر تونظر فرینی سرعت سایه سنده نشر ایتمش لر در.  
۸ — ال نهایت دردنجی بر قاعده واردر، که اوده:

صوک درجه بر شدتله، اکتساب ایدیلن موفقیتدن

---

[۰] حتی اساسلی بروقت کچیرمه یله بدایت حرکاتده دائما تهله لیدر.

[۰۰] سرعت، سواروفک ال زیاده سودیکی وسائطدن بری ایدی.



استفاده ایتمکدر. دُغلوب بردشمنی تعقیب ایتمکدن ثمره مظفریت اقتطاف ایدیلیر .

۹ — بوقاعده لرك برنجیسی دیگر اوچنه اساس خدمتی کورر. هیچ برضرر حاصل اولمادن برنجی قاعده یه امتثال خصوصنده بونلره صادق قالمق ایچون پک عظیم تهلکه لر کوزه آلدیریله بیلیر . زیرا بوقاعده ، کریده دائما یکی یکی قوتلر تشکیل ایتمک وسائطنی احصار ایتدیکی کبی هر درلو عوارضی تعمیر ایتمک ده یکی قوتلر سایه سنده اوله بیلیر .

ایشته عاقلانه نامنه ماصدق ، یکانه بصیرت بوندن عبارتدر ؛ یوقسه ایلری یه هر خطوه بی کمال جابانتله آتمقدن عبارت دکلددر .

۱۰ — حال حاضرده حکومات صغیره محاربات استیلا کارانه اجرا سنه مقتدر دکلددر . فقط وسائط سفریه لری حرب تدافعی ایچون اولدجه برنده در . حربده دائما یکی یکی قطعه لر میدان قویمق ایچون هیچ بر مساعدیدن نکول ایتمین ، قابل تصور هیچ برواسطه استحضاریه بی اهل ایله مین ، قوای متحده سنی نقطه اصلیه اوزرنده بولندیران ، و بوتدارکاته ، بیوک بر مقصدی تعقیب خصوصنده برقرار ، بر شدت مزج ایدن بر حکومت ، اعتماد قوی حاصل ایتشمدر ، که حربک اداره سوق الحیشیه سی خصوصنده هر درلو مواد

عظيمه يي اجرا ايتمش ديمكدر . اكر بونلري اجرا ايدهرك ميدان محاربه ده بSBتون بدبخت بولنپسه ، عين تدابيرده كرك فداكارلق ، كرك غيرت وكرسه شدت خصوصنده كنديسنه قارشى ابراز فائقيت ايتمين خصمنه بهمه حال غلبه ايدر .

۱۱ — بوقواعد رعایت ایدلکدن سوکره حرکات نهدرلو اداره ایدیلیرسه ایدلسین بونک او قدر اهمیتی یوقدر . بوکادائر اک مهم موادی مختصراً ، آچیق بر صورتده بیان ایده جکم .

تعییه ده دائماً دشمنی و خصوصیه دشمن قوتلرینک هجوم اصلی توجیه ایدیلن قسمی احاطه یه جالیشمیلدر . بو صورتله ، قسماً حرکت اجرا ایدلش اولور ؛ چونکه محارب قوتلرک تأثیری موازی اوله رق دکل ، متحد اوله رق دها زیاده بر فعل اجرا ايدر . بوندن باشقه دشمنی خط رجعتی خارجه آتقی یالکیز بو صورتله ممکن اوله بیلیر . فقط یوقاریده دشمنه و دشمنک موضعنه دائر سویلدیکمز شیلرک کافه سنی دار الحربه تطبیق ایدرسه ک او زمان دشمنی چویرمکه مأمور اولان متعدد قوللر و یا خود اردولر اکثر حالاتده عین محاربه یه اشتراک ایده . میه جک درجه ده بربرندن اوزاق بولنورلر . او زمان آره برلرنده بولنه جق دشمن ، بونلرک هر برینه آیری آیری

مقابلہ ایتھک و ہر برنی طوبی بولنان اردوسیہ مغلوب  
ایتھک مقتدر اولور ؛ ایکنجی فرہ دریقک بالخاصہ ۱۷۵۷  
و ۱۷۵۸ سفر لرنده بوقیل مثالر پک چوقدر .

مع مافیہ محاربہ ، بروظیفۂ اساسیہ ، بر مسئلہ قطعیدر .  
بناءً علیہ بسبتون قطعی برتفوقہ مالک اولیہ رق طوبی  
بر حالہ حرکت ایدن براردو ، احاطہ یورویشرندن استحصال  
ایتھکی مأمول ایلدیکی منافعت کافہ سنی میدان محاربہ لرنده  
صایع ایدر ؛ زیرا خطوط ارتباطیہ اوزرنده اجرا  
ایدیلن بر محاربہ ، غایت جزئی بر بطائیلہ اجرای تأثیر  
ایدر ؛ حالو کہ میدان محاربہ دہ قازانیلان مظفریت .  
پک چابق ثمرۂ نافعہ وجودہ کتیرر .

ایشته بونک ایچون سوق الحیشده ، احاطہ اولنان براردو  
حصوصیلہ قوتلر مساوی ویاخود غایت ضعیف بولنسه بیلہ  
ینہ خصمنی احاطہ ایدن اردودن دہا کوزل بروضعیتده  
بولنش اولور .

دشمنک حط رجعتی قطع ایتھک ایچون اک مؤثر  
اولانشی ، چویرمه حرکاتی ویاخود سوق الحیش چویرمه  
حرکتایدر ؛ فقط عین مقصدہ تعبیہ چویرمه حرکاتیلہ دہ  
موفق اولق نمکندر . سوق الحیش چویرمه حرکاتی ،

يالكز قطعات مفرزه داخل اولمديني حالده نقطه اصليه  
اوزرنده (مادی وياخود معنوی) کافی درجه ده بر قوت  
قاله جق وجه ايله بر تفوق حائز بولنديني زمان شايان  
توصيه در .

ناپوليون ، خصم لرينه اکثريا وحتى هر زمان فائق  
بولندي ايسده ينه سوق الحيش چويرمه حرکاتی سوء  
استعمال ائتمه مشدر .

ايکنجی فره دريق ۱۷۵۷ سنه سنده بوهيا استيلاسی  
انسانسنده بوحرکته برکړه مراجعت ائتمشدر . بوندن  
قازانديني نتیجه ده ، آوسترياليلرک کنديسيله انجق (پراغ) ده  
محاربه ايدم بيلمش اولملريدر . فقط عجباً هيچ بر مظفريت  
قطعيه دسترس اولمادن (پراغ) شهرينه قدر بوهيمانک  
استيلاسندن نه حاصل اولمشدر ؟ شوه رينک وصولندن مقدم  
(پراغ) ده بتون آوستريا اردوسی طرفندن دوچار تعرض  
اولق تهلکه سنه اوغرامسی داخل اولمديني حالده ، قرال  
(قولین) ده مغلوب اولدقدن صوکره بتون اراضی  
ترکه مجبور اولمشدر . اکر تکميل اردوسیله (ساقسونیا) دن  
کچمش اولسه ایدی ، بوتهلکه ده دوچار اولمزدی . اوزمان  
ایلك محاربه (نه زهر) اوزرنده کائن (بودین - Budin)  
موقعنده اجرا ایدیلیر ، هم بو محاربه (پراغ) ده کندن  
دها قطعی اولوردی . شبه سبز بوم متحد المرکز مانورده نک سببی ،

بروسیا اردوسنک قیشین (ساقسونیا) ایله (سیلزیاء) ده طاغینق بولنمیدر . شوراسی ده شایان ملاحظه در ، که بومثلوقرارلرک اسباب موجبہ سی هجوم نظاملرنده کی منافعہ مستند ملاحظاتدن دها ضروریدر ؛ زیرا سهولت حرکات ، بوحرکاتک سرعتله اجرا ایدلمش بولنمنسه وابسته اولدینی کبی بوجسیم ماکنه نک دلک واحتکاکی اودرجه عظیمدر ، که لزوم قطعی کورلمدکجه بواحتکاکی تزید ایتمه مک ایجاب ایدر .

۱۲ — بوندن ماعدا قوتلری نقطه اصلیه اوزرنده جمع ایتک قاعده سی ، سوق الحیش چویرمه حرکاتنه تشبث ایتک خصوصه مانع اولدینی کبی اردونک عمومی یاییلمه سی ده بالطبع بوندن نشأت ایدر . ایشته یاییلمه نظامنک حد ذاتنده غایت از برقیقتی حائز اولدینقی سویلمک لکمه بوماده مدار اولمشدر . مع مافیہ برحال موجوددر ، که او حالده دشمنک جناحنه برتائیر سوق الحیشی اجرا ایتک برمیدان محاربه سندن دها قطعی نتیجه لر حاصل ایده بیلیر . اوده دشمن فقیر براراضیده کمال زحمتله برطاقم مغازه لر تشکیل ایدر واجرا ایده جکی حرکات بهمه حال بومغازه لرک محافظه سنه وابسته بولنورسه اوزمان واقع اولور . بو حالده دشمن ، اردوی اصلینقی خصمنک اردوسنه قارشى قویمغه دکل ، اس الحركاتی اوزرنده ایلری طوغری برحقیقتی تشکیل ایتمه تشبث ایدر . بونک ایچون ده دائماً ایکی شرط لازمدر :

برنجیسی: تهدید مزدشمنی کلیتی برانهمزاه دوچارایتمک  
ایچون دشمن اس الحركاتندن غایت اوزاق بولنمیدر؛  
ایکنجیسی: دشمن، اردوی اصلیسنک تعقیب ایتدیکی  
اس الحركاتك ضیاعنی <sup>۹۰</sup>تلافی ایدمک محله  
ضبط ایتیمک ایچون دشمنک ایلری یوروشنه  
موانع طبیعی ویا صنعیه سایه سنده ممانعت  
ایدجک برحاله بولنمیدر .

۱۳ — عسکر ییه جکه محتاجدر؛ بو خصوص،  
اداره حربك شرائط مجبره سندن بولندیگی کبی خصوصیه  
قطعاتی انجق بر درجهیه قدر طویلی بولندرمغه مساعد  
وخط الحركات انتخابنه قرار ویرمک ایجاب ایتدیکی زمان  
دارالحربك تعیینده مدار اولدیگی جهته حرکات عسکریه  
اوزرینه فوق العاده بر تأثیر اجرا ایدر.

۱۴ — قطعاتك ارزاق و ذخیره تدارکی، مملکت  
مساعداولدیگی تقدیرده، تکالیف حربیه اصولیه مملکتک  
ضررینه اوله رق اجرا ایدیلیر.

اردولر حال حاضر اصول حربیه کوره اولکنندن  
دها زیاده بر مسافه اشغال ایتمکده در. متفرق قطعات  
مستقله تشکیلی [\*] اسکی اصول اوزره یالکز بر نقطه ده

---

[\*] كرك فره دریق دوری وكرسه اندن اولکی دورلك  
تشکیلاتیه مقایسه ایدیلیرسه، ۱۷۸۹ حربلری الجآتیه وجوده

( ۷۰,۰۰۰ : ۱۰۰,۰۰۰ کسٹلک بر قوتله ) طویلی بولنان  
 بر خصمه نسبتہ تہلکلی بر وضعیتده بولنلمیہرق ارزاق  
 و ذخیرہ تدارکنی قابل اجرا بر حالہ قویمشدہر. زیرا  
 زمانمزدہ مطلوب اولدینی اوزرہ منتظم، متفرق بر قول  
 اردو، کندیسندن ایکی اوج مثلی زیاده بر دشمنہ اپی  
 مدت مقاومت ایدہ بیلیر؛ انلر دیکرلری یتیشہ بیلیمک  
 ایچون بو صورتله وقتده قازانمش اولورلر؛ حتی برنجی  
 قول اردو حقیقہ مغلوب ایدلمش اولسہ بیلہ، یوقاریدہ بیان  
 ایتدیکمز وجہ ایله یوقدن یرہ محاربہ ایتمش اولمز.

بناءً علیہ بو کونکی کونده فرقلر ایله قول اردولر  
 یکدیگرندن آیری اولہرق کرک بر تپہ اوزرنده وکرکسہ  
 یکدیگری آرقہ سنده بولندقلری حالده، مستقلاً حرکت  
 ایتمکده درلر. آره لرندہ موجود اولان یکانہ رابطہ  
 ایسہ بر اردویہ منسوب اولدقلری تقدیرده عین محاربہ یہ  
 اشتراک ایدہ بیلملریدر.

کتیرین مستقل فرقلر تشکیلاتی، یالکز بر قوماندانک تحت  
 اداره سنده اولق اوزرہ برچوق صنفلردن مرکب فرقلر تشکیلہ  
 مباشرت ایتمکدن عبارتدی، حالبوکہ اولخہ ہر صنف کندی  
 طرر حیاتی محافظہ ایدرہ، صنوف سائرہ یہ انجق محاربہ نظاملرنده  
 التحاق ایدردی. بوکون ایسہ فرقلرلہ قول اردولر تشکیلاتی  
 سایہ سنده قطعات عسکریہ اتای محاربہ دہ ہر زمانکی قوماندہا.  
 نلرینک تحت اداره سنده بولیبورلر.

بو حال، مغازه لر موجود اولمادن کونی کوننه تعیش ایتمکده مساعددر. هیئت ارکانیله لوازم مأمورینه مالک بولان بو جسم جزؤ تاملرک تشکیلی، بو صورتله ذخیره تدارکنی ده تسهیل ایدر .

۱۵ — ( مثلا دشمن قسم کلیسنگ وضعیتی کبی )  
غایت مهم اسباب قطعیه زیاننه اوله رق، اک زیاده محصولدار براراضی دارالحركات اولقی اوزره انتخاب اولنور. زیرا، ذخیره تدارکننده کی سهولت، سرعت حرکاته مدار اولور. یالکتر، ارادیغمز دشمن اردوسنگ موضعی، وضبط ایتک ایستدیکمز جیبخانه ومهمات موضعلری ایله یا یختتک احوالی، ذخیره تدارکی مسئله سندن ده-ا مهمدر . مثلا : اولجه بحث ایتدیکمز ، اردونک سوق الحیش یا بیلمه حرکاتنگ اک نافع اولان شکلی کبی ملاحظات سائرهنک کافه سی، عمومیتله غایت آزر اهمیت حازدر.

۱۶ — مستعمل اولان یکی اصولده ذخیره تدارکنه مخالف اوله رق مغازه لردن واز کچمک همان بسبتون قابل اوله مز. دوراندیش بر قوماندان، حتی مملکتک منابع وارداتی کافی درجه ده قاله جق اولسه بیله ، کرک احوال ناکهائی به وکرکسه بر نقطه اوزرنده ده-ا زیاده طوبی بولمق خصوصنه بناء کریسنده مغازه لر تأسیس ایتمکده



اصلا قصور ایتمز. بوتدیر بصیرت، تصمیم ایدیلن مقصده  
ایراث صرر ایدہمین تدایردندر.

## ۲ — حال تدافعی

۱ — بولتیقهجه حرب تدافعی دیه، تأمین استقلالیت  
ایچون التزام اولنان حربہ دیرلر. حالبوکه سوق الحیشحه،  
هر قنئی برسفرده محاریندن بری اولجه حاضرلادینی بر  
دارالحرب اوزرنده مبارزه ایتمکله اکتفا ایدرسه اویله  
اولان سفرلره بو اسم ویریلیر. مدافعینک بو دارالحرب  
اوزرنده اجرا ایتدیکی میدان محاربه لری ایستر تعرضی  
ایستر تدافعی اولسون، بو حال مسئله یی اصلا تبدیل ایدہ مز.

۲ — عمومیتله مدافعه سوق الحیش، دشمن غایت  
قوتلی بولندیغی زمان اختیار اولنور. بو حالده فی الحقیقه  
بر دارالحرب تنظیماتنسک اساس اصلیسنی تشکیل ایدن  
مواضع مستحکمه ایله مستحکم اردوگاهلر بر چوق فوائده  
عظیمه حاصل ایدر، که بو فوائده اراضیه وقوف ایله  
منتظم خریطه لره مالک اولمق فوائده ده انضمام ایدر.  
عددجه دون مرتبه ده و یاخود کوچوک بر حکومت و یا  
وسط درجه ده وسائط حربیه مستند بر اردو، منافع  
مذکوره یه مالک اولمیان خصمنه بو کبی منافع سایه سنده  
مقاومت ایدہ جک بر حالده بولنه بیلیر.

بوندن باشقه ، حرب تدافى اتخاىي حقنده ايكى سبب دها موجوددر .

• برنجيسى : دارالحربه مجاور بولتان منطقه لر نقصان ذخيره دن طولايى حرکاتى اشکال ايدوسه . بو حالده دشمنك بالمجبوريه اوغرايه جنى بر مضرتدن بالذات اجتناب ايدلمش اولور . بو ، بالخاصه روس اردوسنك ۱۸۱۲ دهكى حاليدير . ايكنجيسى : دشمن ، اداره حرب خصوصنده مهارتجه غايت فائق بولنورسه . بردارالحرب اوزرنده هر درلوحالات عارضيه نك منافعه مزه خدمت ايدى جكى بزجه معلوم اولور وبو دارالحرب ده اولجه حاضر لائش بولنورسه بويله بر دارالحرب اوزرنده اداره حرب غايت قولايدير ؛ چونكه دها آز خطا ياپيلير . بو صوك حالده ، يعنى جنرال لرمزله قطعات عسكريه مزه اعتماد من بولتماز وبو حال حرب تدافى اختيار ايتمك كمزه باعث اولورسه ، او حالده مع الممنونيه مدافعه تعيويه ايله مدافعه سوق الحيش يكدى كرينه مزج ايديلير ؛ يعنى محاربه لر اولجه حاضر لائش موضع لر اوزرنده اجرا ايديلير ، كه بو صورتله دها آز خطا ايشله مك ماملدر .

۲ — حرب تدافعيده ده ، حرب تعرضيده اولدينى كى دائما عظيم بر مقصدي تعقيب ايتليلدر . بو مقصده ده ، دشمنك انتظامى بوزه جق واوونى تلفات عظيمه ده دوجار

تشکیل ایڈہ رک اپی بر خط مدافعه خدمتی کورر لر .  
 طاغلر دن ایکی صورتله استفاده اولنور: برنجیسی: طاغلری  
 جبهه ایلریسندہ بر اقق وبلاخره دشمنک آیری آیری  
 قوللری کچیددن کچمکده ایکن تکمیل طویلی قوتله اوزرینه  
 هجوم ایتک ایچون، دشمن بو طاغلرک کچیدلرینی زورلایه  
 بیلہ جک وجه ایلہ انلری غایت آز قطعہ لرله اشغال ایتمکدن  
 عبارتدر؛ بو حال میاه جاریه مدافعه سنک عینیدر. ایکنجیسی  
 اصل طاغلری اشغال ایتمکدر. بوصول حالده اردونک قسم  
 کلیسنی  $(\frac{1}{4} : \frac{1}{4})$  احتیاطده صاقلایه بیلیمک ایچون مختلف  
 کچیدلری، ضعیف مفرزه لرله مدافعه ایتلی ومذکور احتیاط  
 ایلہ ده، کچیدلری زورلامغه موفق اولان دشمن قولی اوزرینه  
 قوتجه فائق بر حالده هجوم ایتلیدر . بو صورتله حرکت  
 ایدوبده خصم اردوسنک کلی بر قسمی تبہلمکده موفق  
 اولنورسه ، کچیددن کچمکده موفق اولان سائر قوللر  
 کنیدلکندن چکیلرلر.

طاغلرک قسم اعظمک طرز تشکله نظراً، مرکز  
 طرفلرنده آز چوق مرتفع تپہ لر بولنور. حالبوکه میللر ،  
 بوتپہ لرله برلشمیه جک وجه ایلہ طرق تقریبہ لری تشکیل  
 ایدن دیک وادیلرله قطع اولمشدر. بناءً علیہ مدافعین، طاغلر  
 اورته سنده صاغه صوله سرعتله حرکت ایدہ بیلہ جکی  
 بر منطقه په تصادف ایدر. هجوم قوللری ایسه بالعکس

طارونا قابل مرور ، ديك بر شعبه جبال ايله متفرق واديلرده محاربه اتمكه مجبور اولور . بويچمده تشكّل ايدن طاغله، اي بر مدافعه يه اك زياده صالح اولانلردر. بالعكس بو طاغلر ك داخلي ناقابل تقرب، صارپ بر حالده بولنورسه اوزمان مدافعينده يابلغمه مجبوريت كورر؛ بناءً عليه بو طاغله قوتلر ك قسم كليسي ايله اشغال اتمكده تهلكه موجود اولور. بو حالده منافعك كافه سي بعض نقطه لرده غايت فائق قوتلرله هجوم ايدم بيله جك اولان مهاجين طرفه نكچر؛ زيرا فائق قوتلرله آزر زمانده ضبط ايديله ميه جك درجه ده حد ذاتنده غايت متين بر كچيد وياخود منفرد بر كچيد نقطه سي هيچ بروقت بولنه ماز.

۷ — طاع حربلرنده هر شي مادون قوماندانلرله ضابطلر ك مهارتنه ، اك زياده و بالخاصه عسكري شوق وغيرته كتيرن فكره باغليدر . بو خصوصده ماهر بر مانوره جي اولمهنك لزومي اولميوب بر فكر جنكاورانه ايله شوق و غيرته كلمك ، بتون قلييله وظيفه يه مربوط بولنق ايجاب ايدر؛ زيرا بوراده هر كس آز چوق مستقل ديمكدر . ايسته بالخاصه، ملي مليس عسكترلرينك طاع حربنده شاين اهميت بولنسي بوندن نشأت ايدر ؛ زيرا بونلر هر نه قدر مانوره خصوصنده ماهر دكل ايسه لرده بوكا قارشى اوصاف سائره يي صوك درجه حائزدرلر.

۸ — مدافعه سوق الحیش حقنده سويلته جك  
 قواعدی تماملاق ایچون شونی ده بیان ایدیم، که مدافعه  
 سوق الحیش تعرضدن دها متین اولسه بيله ینه بیوده در؛  
 مدافعه سوق الحیش اولسه اولسه انجق ایلک موفقیات  
 عظیمه به دسترس اولغنه مدار اوله بیلیر. فقط برکوه  
 بو مقصد نائل اولدقدن سوکره عقبنده مصالحه وقوعه  
 کلزسه، اوندن سوکره فوائد جدیده تأمین ایده جک برشی  
 وارسه اوده تعرضدر. دائماً مدافعه ده قالمق، حربی دائماً  
 کندی ضرریه اجرا ایتک حال اسف آمیزنده بولنق  
 دیمکدر. بو باربی نهاییه مقاومت ایده جک هیچ بر حکومت  
 بولنه مز. بوندن ماعدا هیچ مقابله ایتمه دن یالکز ماشدن  
 صاومقله اکتفا ایده رک دشمنک ضربه لرینه قارشى زره  
 استعمال ایدیلیرسه، قوتلرینی ضایع ایتک و مغلوبیتله ایشه  
 خاتمه ویرمک تهلیکه عظیمه سنه دوچار اولنور. بناء علیه،  
 احتمالات مکمله سایه سنده ایشه تعرض ايله نهایت  
 ویرمک مقصدینه بناءً اولاً مدافعه ايله باشلامق  
 ایجاب ایدر .

۳ — حال تعرضی

۱ — تعرض سوق الحیش مقصد حربی طوغریدن

طوغرى تعقيب ايدر؛ زيرا مقصد اصلى، دشمنك محارب قوتلرني طوغرىدن طوغرى حوایتكدر. حالبوکه مدافعه سوق الحیش بومقصدہ قسماً بالواسطه موجود وسائط ایله موفق اولمغه غیرت ايدر. بوندن شوچیقار، که تعرض قواعد اساسیه سی سوق الحیش قواعد عمومیه سی داخلنده در. یالکز ایکی نقطه آریجه تدقیقه محتاجدر.

۲ — برنجیسی: قطعات عسکریه ایله مهمات حربیه نك على الدوام تبدیل موضع ایتمسیدر. بو حرکات، مدافعین ایچون مشکلات عظیمه ارائه ایتمز؛ چونکه منابع تعیشی دائماً یانسنده در. فقط مهاجین اکثر حالاتده غایت قوتلی بر حالده بولنق فائده سنی حائز اولدیفندن بعصرکه قوتلرینی، مشکلات عظیمیه دوچار اوله رق غایت اوزاقلره کتورمکه مجبور اولور. بناء علیه قوتسز قالماق ایچون احتیاج حس ایدلمدن اول اخذ عسکر ماده سی ایله اسلحه ومهمات قلیاتی تنظیم ایتملیدر. خطوط اتصالیه سی اوزرنده بولنان یوللر، یوروش مفرزه لری (Détachement de marche) ایله مواد لازمه یی حامل قافله لر طرفندن ستر ایدلملیدر. بو حرکات قلییه یی تأمین ایتمک ایچونده یوللر اوزرنده عسکری موقفلری تأسیس ایتملیدر.

۳ — اک مساعد حالات ایله مادی ومعنوی برتفوقه مالک بولندینی زمان بیلله، مهاجین بیوک بر فلاکت احتمالی

پیش دقتہ الملیدر. بونک ایچونده اوزرنده منہزم براردو  
ایله طوبیلانیله بیله جک وجه ایله خطوط الحركاتی اوزرنده  
برطاقم نقطه لر تنظیم ایتلیدر. بونقطه لرده، مستحکم اردو-  
کاھلر ایله قلعہ لر ویاخود ساده جه مستحکم اردو کاھلر در.  
خصمک تعقیبنی توقیف ایچون میاه جاریہ جسمه اک  
مکمل بر ماعدرد. بناءً علیہ بو نہر لرل کجید نقطه لرینی  
قوتلی ردوتلردن متشکل بر محیط ایله جویرلمش سر  
کوپرولر تأسیس ایدہ رک تأمین ایتلیدر.

بونقطه لری، غایت مهم شہر لرلہ قلعہ لرده اولدینی کبی  
اشغال ایتک ایچون دشمنک تشبثاتیله اھالینک احوالندن  
نہ درجه قورقولیور ایسہ کریدہ ده او نسبتده قطعه  
براقلیدر. بو قطعه لر، مملکتدن کلن قوۃ امدادیہ ایله  
یکی قطعه لر تشکیل ایدرلر، کہ بو قطعه لرده موفقیت  
حائله اردونک ارقه سنی تعقیب، وعدم موفقیت حائله  
ایسہ رجعتی تأمین ایچون نقاط مستحکمہ یی اشغال ایدرلر.  
ناپولیون، اردوسنک کریلرنده تنظیمات اجرایی  
خصوصندہ کی تدایره دائر شایان حیرت بر بصیرت ابراز  
ایتشدرد. ایشته مشارالیه بونک ایچون اک جسورانه حرکاتندہ،  
کورونشدن زیادہ حقیقتدہ تہلکہ یی دھا آز کوزہ  
آلدریوردی.



## یوقاریکی قاعده لرك اثنای حربده تطبیقی

فن حرب قواعد اساسیه سی ذاتاً فوق العاده بسیط اولدینی کبی ذکاوت سلمیه مالک هر بر فردك اقتداری داخلنده در. بو قواعد، سوق الحیثدن زیاده تعیهده دها زیاده معلومات خصوصیه متوقف ایسهده، بناء علیه بو معلومات كرك وسعت وكر كسه تنوع مواد جهتیه هر قننی بر فن ایله قیاس قبول ایده میهك درجهده محدوددر. فن حرب ایچون خواص ذکای خارق العادهك لزومی یوقدر. اکر، مجرب بر قوه عقلیه خارجنده اوله رق حرب ایچون خصوصی بر خاصه فکریه تحریری لازمکسه ایدی، هر شی کوستریورکه بو خاصهده خیل ودسیسه بر میلدن عبارت اولوردی. عکس حال اثبات اولنه لی پك چوق زمان اولمشدر؛ فقط بوذه یالکز مسلکمز حقنده اساسنز بر نقطه نظرله حربه دائر یازی یازان مؤلفرك تفاخری سائقه سیله اثبات ایدلمشدر. حرب، بلاسفسطه نظر ملاحظیه آلدینی حالده بوکا بالمجبوریه کسب وقوف ایدیلیر؛ تجربه ایسه بو قناعت می



نایید ایدر. بوخصوصده، فن حربی هیچ برزمان تحصیل  
ایتمدکری حالده ان ماهر و حتی ان برنجی قوماندانلر  
قدر ابراز لیاقت ایدن بر چوق ذواتی بولق ایچون اخیراً  
وقوعه کلن داخلی محاربه لری خاطر لاق کفایت ایدر.  
بو حال، قونده، واللنشتاین، سواروف ودها بر چوقلری  
حقننده جای اشتباهدر.

عن اصل اداره حرب صوکه درجه مشکل بر مسئلهدر،  
بونده اصلاشبه یوقدر. فقط صعوبت، هیچ برزمان فن حرب  
قواعد حقیقه سنه کسب یقین ایچون بوقنک خصوصی  
بر فضل وکاله ویاخود عظیم بر دهایه لزوم کوسترمسندہ  
دکدر. بو، قواعد حربیه ایله نه قدر آز انسیت  
ایتمش بولنورسه بولنسون اولدجه بارلاق، آزاده خیالات  
اولان هر بر فکرک همه حال اقتدار ی داخنندهدر.  
بو قواعدک خریطه ایله کاغد اوزرنده کی تطبیق هیچ  
مشکلات ارائه ایتمدیکی کبی ایی بر سفر پلانیده، انصاف  
ایله دوشونیلیرسه، بیوک بر اثر نفیس عد اولنه من. ان  
بیوک مشکلات، اولجه تعیین ایدیلن قواعد اساسیه یه  
اشنای تطبیقده صادق قالمقدر.

ایشته بوسوکه فصلده، نظردقی بومشکلات اوزرینه  
جلب ایتمک مقصدینه مبتیدر. بوکا دائر واضح بر فکر

ویرمک ، بو خاطرەنک مستند بولندیی موادک ذاتاً بر مقصد اصلیسیدر .

ادارهٔ حرب ، هیئت عمومیه سنی اعتباریله ،

خارق العاده بر دلک واحتکاکی حاوی قاریشیق بر

ماکنه نك ایشلمه سنه بکزر . ایشه بونک ایچون کاغد

اوزرینه یازلمسی غایت قولای اولان افکار و تداییر، انجق

فوق العاده بر سعی و غیرتله موقع اجرایه قونه بیلیر .

قوماندانک آرزوی مستقلی ایله فکر ذاتیسی، انسانی

جولاننده هر زمان سکتهدار عطالت اولور . بو مقاومت

غلبه ایتمک ایچون ایسه خصوصی بر قوهٔ ذکا ایجاب ایدر .

بو دلک واحتکاکی سیبیله پک جوق افکار حسنه محو

ایدیلهرک غایت ساده وغایت بسیط بر شکل تحتده اولهرق

اک پارلاق نتایجی قاریشیق بر شکله وجوده کتیرن

بر مقصدی تعقیب ایتمک لازمکلیر .

بو احتکاکی وجوده کتیرن کافهٔ اسبابی تعداد ایتمک

عیر نمکندر؛ فقط باشلیحه لری شونلردر:

۱ — دشمنک احوال و تداییری، عمومیتله بر پلان

پاپارکن فرض وتخمین ایدلمدیکندن ده آز معلوم اولور .

[\*] اوزمان ایدیلن فرضیاتده جدی بر صورتده الدانلمش

[\*] ناپولیون، طالک ثلثی تصادفه بر اقلش بر پلانی مکمل

دوشونلش بر پلان اولقی اوزره تلقی اپدیور .

ایسہ، معروض بولیلہ جق تہلکہ لڑک قلبہ القا ایتدیکی  
برچوق شہلر محاربہ انسانندہ تظاہر ایدر۔ بیوک برایش  
یابارکن انسانندہ پک قولای بر صورتدہ ظہور ایدن حس  
اندیشہ بزہدہ استیلا ایدہ جکی کبی بو اندیشہ ایلہ  
تردد، بو تردد ایلہ نیم تداییر ارہ سندنہ پک چوق بر  
فرق یوقدر۔

۲ — یالکز دشمنک قوتنہ دائر شہدہ بولنلماز،  
بوندن باشقہ دشمن حقندہ کی تواتردہ (ایلری قرہ غوللر۔  
مزدن، جاسوسلر مزدن و یاخود بالتصادف دشمنہ دائر  
الدیفمز حوادثلر) دشمن قطعانک عددینی تزید ایدر۔  
انسانلرک قسم اعظمی طبیعہ قورقادر۔ ایشته، انسانک  
تہلکہ کی دائماً کوزی اوکنده بیوتمی بوندن ایلری کلیر۔  
قوماندانہ اجرای تأثیر ایدن ہر برشی؛ بوقوماندانی،  
قارشیسندنہ بولنان خصمک قوتی حقندہ دائماً یاگلش  
بر فکرہ ذاہب ایدر؛ بوندنہ یکی بر منبع تردد  
وجودہ کلیر۔

آرتق بو شہبہ یی نظر دقتہ آلق ممکن اولہمز؛ فقط  
اک مهم مادہ بوکا اولدن حاضر لانتقدہر۔

دہا ہیج برقرار ویرمہدن، اک محتمل حالاتی اوکجہدن۔  
کمال مکانسلہ تدقیق ایدہ رک آرایوب بولدقن  
صوکرہ، عقبنده ایلک فکردن واز کچمکہ حاضر لانتیوب،

بالعكس كلن خبرلری دقتله نظر مواخذمه آلق ،  
 بو خبرلری يكدیكرینه تطبیق ایدهرك بربری نقض  
 ایتك، الكیكلیرینی بولدرمق ویاخود یكی بجرمنبعدن آراتمق  
 ایجاب ایدر. بعض حوادثلك اساسسیرلی ، یینلرندهکی  
 مبینتدن هر زمان تظاهر ایدر. بعضاًده ایلک حوادثلك  
 حقیقی اكلاشیلیر. بو صورتله هر ایکی حالدهده دها زیاده  
 حقیقته واقف اوله رق ایی بر قرار ویرمك قابل اولور.  
 فقط ینه شبههده قائلیرسه ، او زمان حربده هیچ بر شیئی  
 تهلكه سز اجرا ایتك قابل اولمدیغی، دائماً نرهیه کیدلدیكنی  
 بیلیمه مك طبیعت حرب اقتصاص ندن بولندیغی ، معافی  
 بعض حقیقت زمانلری اولسه بیله مواد محتملهك ینه محتمل  
 قاله جفنی، خلاصه حد ذاتنده معقول بر طاقم تدابیر اتخاذ  
 ایدلدیکی حالده بر کره یاگیلمقله یكدن دوچار مغلوبیت  
 اولنه میه جفنی دوشونمك ایجاب ایدر.

۳ — معین بر زمانده وضعیت احواله دائر اولان  
 تردد یالکز دشمنه عائد اولمز ، کندی اردومزده عائد  
 اولور. فی الحقیقه ، اردونك كافه اقسامنه لایقی وجه ایله  
 کسب وقوف ایدیله بیله جك درجهده طولی بولنسی پك  
 نادر در . اندیشهیه میل نه قدر آز اولورسه اولسون  
 بو حال دیگر بر منبع تردد تشکیل ایدر. ایشه انتظار  
 ایتمكه قرار ویریلیر ؛ فقط بو انتظارك نا قابل اجتناب

اولان نتیجه سی ده هیئت عمومیته مک افعال و حرکاتند بر توقدن عبارت اولور .

بناءً علیه اتخاذ اولنان تدایر عمومیته مک، کندیسندن بکله نیلن نتایجی حصوله کتیره چکنه قناعت کامله ده بولنق ایجاب ایدر. بو باده، بالخاصه درجه ثانیه قوماندانلرینه ایدیه چک اعتماد شایان ملاحظه در. بو خصوصه استعمال ایتمک ایچون بالخاصه کندیلرینه اعتماد ایدیه بیلن ذواتی انتخاب، و هر درلو ملاحظات سائره دن صرف نظر ایتمک ایجاب ایدر. اگر مقصده غایت موافق تدایر اتخاذ ایدلمش، قابل احتمال اولان هر درلو تصادفات مشثومه بی نظر دقته الهرق بو تصادف محاربه اساسنده ظهوره کلدیکی حالده بردنبره هر شیئی غائب ایتیه چک وجه ایله ترتیبات النمش ائیه، او حالده طلام تردد ایچنده کمال جسارتله ایلر یلمکده هیچ بر زمان اجتناب ایتیه مک ایجاب ایدر .

ع — فوق العاده بر قوت صرف ایدره رک صوک درجه بر شدتله اداره حرب آرزو ایدیلیرسه، مادونلر ایله قطعات عسکریه مک ( خصوصیه حربیه آلیشماش بولنور لرسه ) هر دقیقه ناقابل تحمل اولدیغنی بیان ایده چکلری مشکلاته مصادف بولسه چکلرینی امید ایتیلیدر . بونلره یوروش غایت اوزون، صرف ایتدکلر قوت فوق العاده، ذخیره تدارکی غیر ممکن کلیر . فره در یتمک دیدیکی کج

بو مشكلرك هېسته قولاق وړيليرسه شدت و مناتنه  
حرکت اېده جک یرده بالعکس مقصدک خارجه حيقه رق  
اقدار سزلفه، ضعيفته، عطالته دوجار اولنور.

هر شته قارشى ابراز منات اېچک اېچون کندی  
ظنباڼه، کندی اعتمادانه امنيت ايتلیدر. بو حال اکثريا  
بر تغد کى کورينورسده حقيقت حاله، بزم ثبات  
ومتانت نسميه ايديکمز شدت فکر و طبيعتدر.

۵ — وقوعه اعتماد ايديلن نتايج، حرب حقنده  
تبعات عميقه اجرا اېده رک بر فکر ايديمه مش، تجارب  
حربه کورمه مش بر ذاتک کندی کندينه تصوير اينديکى  
وجه ايله تمامى تمانه حصوله کلز.

پک جوق دفعه لر تاخړه بادی اولان اسبابه کسب  
وقوف ايديله ميه رک بر قولک يورويښى حقنده بر قاج ساعت  
خطا ايديلير. اکثريا اولجه اکلا شلمسى غير ممکن بر طاقم  
موانه تصادف ايديلير. بعضاً اردو ايله بر نقطه يه کيتمکه  
نيت اولنور؛ فقط دهبا بر خيلى فرخ ايلريده توقفه  
مجبوريت کورولور. بر پوسته، يرلشديريليرکن تصور  
ايديليکى کي بر ايش کوره مز؛ حالبوکه دشمن پوسته سى  
مأموک خارجنده ايشلر کورر. اکثريا بر منطقه نك  
مسابع وارداتى ظن اولنديغندن دهادون بولنور. الخ...  
بو کي اوينوسر لقلره انجق فرق العاده سى وغیره.

غلبه او ثور ۲. بوکا نائل اولقی ایچونده قوماندان اولان ذاتک، اکثریا فوق العاده بر شدت ابراز ایتمی ایجاب ایدر. ایشته هر درلومکناته موفق اوله جغه قناعت حاصل ایتدکن صوکره بو کوچک مشکلرک حرکات اوزرنده کی تأثیر عظیمه هیچ بر خلل کتیره میه جکنه، واصل اوله بیله جکی مقصدن خارج پک چوق برشی قالمیه جغه امین اوله بیلیر. ۶ — بر اردونک حقیقت حالده حرکاتی اوطه سنده تعقیب ایدن بر ذاتک تحیل ایتدیکی وصعیتده بولنه میه جغه قطعاً امین اولمیلیر.

بو ذاتک او اردویه بر توجهی وارسه، اردویی حقیقت حالده بولندینی درجه دن فائق، ثلث و یا خود نصف درجه دها زیاده قوتلی تصویر ایدر. قوماندانک ایلک سمریلاخی طاسار لایی زمانده ده عین حالده بولنه جی طبعیدر. فقط بالاحره تصورندن خارج اوله رق اردوسنک ازالدیعی، طویجیسنک و سواریسند، ایشته یارامیه جق بر حاله کلدیکنی کورر. بدایت سمرده قوماندانه و یا خود بر مفتشه غایت ممکن، غایت قولای کورونن برشی اکثریا محاربه اشاسنده صوک درجه مشکل، صوک درجه غیر ممکن کورونور. اگر قوماندان جسارتله شدتلی بر آرزویه، برده حرص عالیه جنابانه یه غیرتی مزح ایدرک مقصدینی تعقیب ایدیورسه، او حالده عادی بر آدمک مملکتی ترک ایتک ایچون اردو ک.

اصواتنده کافی بر معذرت بوله بيله جي بر زمانده بوقوماندان مقصدينه تماميله موفق اولور.

ماسه نا (جنوه) دهو (پورتکيز) ده، قوماندانده کی آرزوی شديدك قطعات عسکريه سی اوزرينه نه درلو بر تأثير اجرا ایده جکني کوسترمشدر. (جنوه) ده، سرت باشليقلنك ديميه لمده شدت طبيعتك قطعات عسکريه سندن استحصال ايتديکی مثلی نامسبوق فعالیت، مآثر مظفريتله پيرايه دار اولمشدر. (پورتکيز) ده ايسه هيچ برکيمسهنك يابه ميه جي بر درجه ده اوزون مدت ابراز متانت ايتمشدر.

اکثر زمانده دشمن اردوسي ده بويله بر حالده بولنور. واللشتاين ايله به نيغزه نك (ايلالو) محاربه سندن صوکره کی حالتي خاطر يکره کتير يکيز. فقط انساک کوزی اوکنده کندی وضعيتي بولنديني زمان دشمنك وضعيتني کورمک قابل اوله مز.

کذا عادی انسانلرک کنديلريني بو حاللرک برنجيسنده زياده ايکنجيسنك تحت تأثيرنده دها چوق بولندير لر .  
زيرا لسان عقله اطاعت ايتمک اشخاص عاديّه خواصنددر.  
۷ — قطعات عسکريه نك ارزاق و ذخيره تدارکی،  
نه صورتله اولورسه اولسون، [مغازه و تکاليف حربه اصولی] داغامشکلات پيدا ايدر، که بومشله اتخاذايديلن تدابيري اتخاب خصوصنده فايت قطعی بر اهميتي حائزدر.



بوجود آید. اکثری از این فکره قارشی عمانت اینستدیک  
کبی، مظفریتلر، پارلاق موفقیتلر، آرامق اقتضا اینستدیک  
بر زمانده ینه جک برشی آرامغه مجبوریت حاصل ایدر.  
بتون ماکنه نك [یعنی اداره حربك] دوجار بطائت اولمسنك  
سبب یكانه سی بو مسئله اولدینی کبی منافع داتیه سنك،  
ترتیبات عظمیه اجراسنه قاتق بولمسنده باعث اولان ینه  
بو مسئله در.

بر احتیاج طالماته ایله قطعاتی، صوك درجه محرومیتلره،  
فوق العاده قوت صرفه مجبور ایدن بر قوماندان ایله  
اوزون حربلر ائناسنده بوفداکارلقلره آلیشان براردو،  
خصم لرینه قارشی ناقابل تعریف بر استفاده، هر درلو  
موانعه قارشی مقصدلرینی تعقیب خصوصنده صوك درجه  
بر سرعت قازانمش اولورلر. بویله کوزل پلانلره نتیجه ده  
نه قدر اختلاف حاصل اولور!

۸ — عمویتله بو کبی حالاتك کافه سنده آتیده کی  
حقیقته کسب وقوف ایتمک ن غیری برشی یاسیله مز:  
محاربه ده قوه عقلیه احتساستندن صدور ایدن افکار،  
اولجه مدققانه بر مطالعه بی متعاقب اتحاد ایدیل افکاردن  
دها شد تلیدر. فقط بوفکرلر، هر درلو موادك بر تاثیر  
ابتدائیسی اولدینی کبی اکثریاده — بیلدیکمز کبی —  
حقیقتدن پك زیاده انحراف ایدر. بناء علیه ظهوره کلن

ایتمک تائیر، مدققانه قوشونلار بونک فکری فدا ایتمکه  
مجبوریت کوریلور.

بو ایلک تاثیرک، قورقو ایله افراط درجده رتدیر  
حسی اوزرینه اجرای فعل ایتسنه باعث اولان قوه عقلیه به  
کانبجه: بوقوه عقلیه، هر شینک یالکز ر جهتنی بطر دقته  
الان اسانلرک مفطور اولدقلری خوف وجبات ایچنده  
مدفون قالیر.

ایشته بو ضعفیه قارشى ابراز منات ایچون اولحه  
دوشونلن ملاحظاتک نتایجه اعتماد تام حاصل ایتمش بولنق  
ایجاب ایدر.

.....

بناءً علیه محاربه خصوصنده کی شو مشکلات، بومحاربه  
ربه بی توجیه واداره ایدن ذاتک کندی تصویراته قناعت  
کامله سی، عزم وینتی بولنمسنی طلب ایدر. ایشته بونک ایچون  
خصوصات حربیه بی اصلیه، نه درلو اجرای فعل ایدر یورسه  
او صورتله ا کلامنی اوکره تن تاریخ حرب مطالعه سی،  
غایت مهمدر. نظری بر تحصیل ایله اکتساب ایدیله بیلن  
قواعد اساسیه ایسه یالکز بومطالعه بی تسهیل ایتمکه  
ونظر دقتی تاریخک نقاط مهمه سی اوزرینه جلب ایلمکه  
مدار اوله بیلیر.

بناءً علیه تاریخ حرب مطالعه سیله مواخذہ ایتمک،

روش احواله موافق اولوب اولندقلری ا کلامق، وقوعات  
ایله مثبت و یاخود ضدبولندقلری حاللری میدانہ چیقارمق  
ایچون قواعد اساسیه حربی او کړنمک ایجاب ایدر. تاریخ  
حرب مطالعه سی یالکز بیوک ماکنه نک [اداره حربک]  
دلک واحتکاکی تسمیه ایتدیکم شیثه دائر اولدقجه نافذ  
بر فکر ویرمک ایچون تجربه ذاتیه بی اکمال ایتمک مدار اولور.  
مع مافیه بو بابه نتایج عمومیه اعتماد ایتهمک  
لازمکلبیکی کبی مؤلفرک ویردکلی حکملرده اعتماد  
ایتمه ملیدر؛ زیرا تفرعات مسئله لایقوله کسب وقوف ایتمک  
لازمدر. تاریخ نویسر علی العموم اردولرینک افعال  
محسنه سنی تزیین ایتمک و یاخود حادثاتک قواعد مفروضه  
ایله اولان مطابقتی کوسترمک ایسترلر. بونلر وقوعات  
یازہ جقیره، حکایه ایدرلر. بونک ایچون آرزو ایتدیکمز  
مقصده موفقیت، بر چوق تاریخلری مطالعه ایتمک کمزه  
لزوم کوسترمز. بر قاج محاربه بی تفصیلاتیه تدقیق،  
اساسیه تعمیق ایتمک بر چوق سفرلرک مطالعه سندن دها  
استفاده لیدر. بونکله برابر اصل تاریخ کتابلرندن زیاده  
وقایع مفصله ایله حرکات ژورناللری تدقیق ایتهمک دها  
چوق فائده سی واردر. بو کبی وقایعه اک کوزل بر مثال،  
جبرال شارنهورستک خاطراتنده کی ۱۷۹۴ سنه سنده  
(مهن) مدافعه سنک توصیفیدر. بو وقعه، بالخاصه محافظینک  
خروج نومیدانه سی ایله دشمن اره سندن کچمسنی مصور

اولان قسسی تاریخ حرب یازمق اصوله داتر بوله بيله جکتر  
نمونه لرك اك مكمليدر.

دنياده هيچ بر محاربه يوقدر، كه حربده موفقيتدن  
صوك زمانه قدر نا اميد قالماق لازيمكه جكنه، تصور  
ايدلديكي قدر منتظماً ظهوره كلين قواعد منتظمه تاثيرينك  
اك مشوم حالاتده بيله، تاثيراتنك دها اول كاملاً ضايع  
اولديغنه قناعت كامله حاصل ايدلديكي حالده هيچ مأمول  
اولنديني بر زمانده تكرار ظهوره كله بيله جكنه داتر بكا  
قناعت كامله ويرمش اولسون.

بر حس نافذك، قوماندانك اوصاف عاليه سني روحلا.  
ندر مسي، بو اوصافك ده سزارك حرص و طمعي، آنياللك  
دشمنه قارشى بعض وعداوتى، وياخود ايكنجى فره دريقك  
شان و شرفله محو اولمق خصوصنده كي ثبات مغرورانه سى  
اولمليدر.

قلبركزى دائماً بوكجي حسياته كشاده بولنديريكز.  
پلانلريكزى ياپاركن جسور وكتوم، اجراسى خصوصنده  
ايسه شانلى برنتيجه بولمغه عزم ايدهرك مقدم و ثباتكار  
اولكز. ايسته او زمان طالع حرب، شعله جازباسى اك  
صوكره كله جك احفادكز مياننده بيله نامكزى پايدار  
ايده بيله جك بر مائر بر مفاخر مظفريتله سرظفر كستر كزى  
تزئين ايده جكدر...



گنجخانه اسلام و عسکریده ساتیلان آثار عسکریده دن  
بعضیلری:

## اصول تطبیقه نظراً تاریخ حربك مطالعه سی

آوروپا نك اك بيوك محررين عسکریده سدن آلمانیا ساقی حربیه  
ناطری فون وردی دوورنوا نك بر اثر مشهوریدر . من حربك  
مأخذ اصلیلی اولان تاریخ حربك صورت مطالعه سیله اسفار  
ساله ده کی حرکات و وقایع حربیه بی تمییه مسئله لری صورتنده حل  
ایله مسائل مذکورہ بی منسوب اولدی بی اردونك تنسیقانه تطبیق  
ومقایسه ایتمکی اوکره در بر اثر مهملدر . مترجی: ارکان حربیه  
میر آلا یلرندن اسماعیل فاضل بك . ۲۴۰ صحیفه در . درت رنگ  
اوزریه طبع اولمش قایت نفیس بحریطه ایله مزید در . کاعدی  
وطبیعی بك نفیس در . فیثانی (۱۰) فروش .

\*\*\*\*\*

## پیاده مکتوبلری

مشهور پرنس هوئلوه نك

پیاده مکتوبلری ؛ پیاده نك تعلیم و تربیه سنه دائر تعلیمامده  
موجود قواعد و ضوابطك ادمان تعلیمدن باشلا یه رق لوا تعلیملریه  
قدر بالجله صور تطبیقیه سی ایله خدمت سفریه و یوروش اشاء  
سندہ کی تدایر صحیفه ه هائذ خصوصاتی تاریخ حربیه نظراً بیان ایدر .  
اوج حلدن متشکل ، شسیوز صحیفه در . مترجی: ملازم احمد  
رفیق کدر . اجزا فیثانی (۱۱) مجلد (۱۲) فروشدر .

\*\*\*\*\*

## سفریه و تعیه تطبیقاتی

ایکھی طبع

بر مسئلہ لکھنؤ قواعد سفریہ و حریہ بی اجمال و بر  
قوماندانک انشای سفریہ ایسا سہ مجبور اولدی و طائفہ  
محاربہ تک طرز حریانی مسئلہ طرز زندہ اوله رق ثابت واضح  
بر صورتہ بیان ایدر . سفریہ و تعیه تطبیقاتی ، طاقم  
قوماندانریہ رهبر اولق اورره یارلمش کوزل بر اثر در .  
بیوک بر خریطہ بی حاویدر . مترجمی ارکان حریہ قول آغالرندن  
وحید بک . فیثاتی پدی بچق فروشدر .

## منتخبات اصول تعیه

جنرال بہ دویا

مترجمی:

ارکان حریہ قائم مقاملرندن ثریا بک .

تعیه بہ قائد کوزل و مهم بر اثر در . یوروش خدماتی ، تعری  
وندافعی محاربہ لر ، تعقیب و رجعت حرکاتی ایله ایلری قره غول خدماتی  
کبی مباحث مهمہ بی شاملدر . طبعی حایت نفیسندره . ایکی جلددن  
تشکیل اولوب فیثاتی ۱۲ بچق فروشدر .

## آلمان اصول حربنہ دائر عملی مثالر

ارکان حریہ قائم مقاملرندن هاوشیلد بکک اثریدر . آلمایاده  
مالذات مانوره میداننده مشاہدہ اولنمش حرکات و عملیات مختلفہ دن  
باحث اولوب بر خریطہ ایله اون عدد شکلی حاوی مهم بر اثر در .  
فیثاتی (۵) فروشدر .



## عجمی تعلیمی هفته جدولری

كرك مکتب مون حربیه شاهانه دن نهئات ایدن وكرسه  
آلايلرده بولساں صابطانك عجمی نمراتك سیاق واحد اورره  
منتظماً تعلیم و تربیه اینجلییه حادم اولق اوزره یازلش استعاده لی  
بر اثر در. پاوران حصرت شهر یاریدن قول آقامی فاصل بککدر.  
میثاتی (۲) غروشددر .



## یوقلمه ورسم کچیدلر

بلوگدن مرقه یه قدر قطعاتك یوقلمه ورسم کچیدلریك صورت  
احراسی کوسستر اشکال و تفصیلات لارمه یی محتوی اولوب  
یوز باشی ثروت وحیدر امدیلر طرفدن یازلشدر . میثاتی  
(۱۰۰) پاره در .



## پیاده نك سواری هجوملرینه مقابله سی

ر پیاده طابوری طرفدن سواری هجوملرینه مقابله ایچون  
تعقیب اولمسی لازمکلان قواعدی کوسستر بر اثر در. محررلی:  
یوز باشی ثروت وحیدر افندیلر. فیاتی (۲) غروشددر .





## بنيجيڪ يارديملري

يارديملرڪ تمرهاتي به بولرڪ مختلف حالده صورت استهالرنندن،  
باركيرلرڪ سوق واداره سندن باحندره محرري: يوربائي وكيلى  
صادق بك، فيآتي (١٠) پاره دره.

\*\*\*\*\*

### تبصره {برنجي}

ياوران حصرت شهر ياريدن يوزمائي ماحي بڪكدرد.

بياده تعليمات هاپوننه نظراً اردوى هاپون بياده ملازملي به  
مكتب حربي شاهانه بياده شاگرداسه اصول تعليمه خادم  
اولق اورده ترتيب ايدلش، غايت نافع بر اردور. فيآتي  
(٥) غروشدر.

\*\*\*\*\*

### تبصره {ايکنجي}

خدمت سفر به اساسه نظراً اردوى هاپون بياده ملازملي  
ايه مكتب حربي شاهانه بياده شاگردانه مخصوص اولق اورده  
ترتيب ايدلشدر. يوزمائي ماحي بڪكدرد. آتي (٥) غروشدر.

\*\*\*\*\*

### پلونه مدافعه

١٨٧٧ سفرنده عثمانيلرڪ پلونه موقعنده ابراز ايتش  
اولدقلى جلادت حاسنى الكطوفى برصورتده معورشايان استعاده

راثر ~~هنگامه~~ در. مؤلف: ارکان حربیه قول آغازندن احمد حال  
ک. فیثاتی ۷ بحق غروشددر. بلونه جوارینک منتظم وخریطه.  
نی ده حاویدر.

\*\*\*\*\*

## برنجی ناپوایونک امثال حربیه سی

امکار وحرکات عسکریه سیله تاریخ حربک اک شالی صحیفه لرخی  
اشعال ایدن بیوک ناپولیونک مطالعات عسکریه وملاحظات  
حکیمانه سی حاممدر. مترجی ملارم احمد رفیق نکدر. فیثاتی  
(۲) غروشددر.

## تعییه مسئله لری

آلمانیا ارکان حربیه بیکباشیلرندن (فرییکه دل) ک مشهور  
راثریدر. بکرمی بر مسئله یی جامع ورنکلی اولق اوزره بش بیوک  
خریطه یی حاویدر. مترجی ارکان حربیه بیکباشیلرندن عثمان شانی  
مک. فیثاتی (۳۵) غروشددر.

\*\*\*\*\*

## ضابط کشف قولی

سوارینک وظائف سوق الجیشیه سنه دائر آلمانیا ارکان حربیه  
قائم مقاملرندن فون. فلايست نام ذالک مشهور بر اثریدر. مترجی  
ارکان حربیه قائم مقاملرندن بسم بکدر. طبعی وکاغدی قابت نفیسدر.  
فیثاتی (۶) غروشددر.

\*\*\*\*\*

## بیوک نمره در یقک جنرالترینہ تعلیمات عسکرینہ

پروسیا قرالی مشہور بیوک نمره در یقک جنرالترینہ ویرد  
تعلیماتی جامع اولان اشبو اثر، بر جوق امثال عسکرینہ وقوا  
حربینہ بی ارانہ ایدرہ غایت نافع ر اردر، مترجمی ملازم  
رفیق بکدر، فیاتی (۵) غروشدرد.

### بارہ غروش

۱۵	بیادہ تعلیمنامہ ہایونی	(اعلا حلد)
۱۰	داخلیہ قانوننامہ سی	( ۵ )
۲	عسکری جزا قانوننامہ سی	
۲	ادمان تعلیمنامہ سی	
۲۰	ادارہ نظامنامہ سی	( ۵ )
۱۲	سواری داخلہ قانوننامہ سی	( ۵ )
۷	تعبیہ	
۱۰	مظطرہ (سفر بر ضابطانہ مخصوص)	
۳۰	عثمانی طوبجیلری	( ۵ )
۱۵	تربیتہ عسکرینہ	( ۵ )
۱۸	خدمت سفرینہ (ایکی حلد)	( ۵ )
۲۰	ارکان حربینہ وظائفی	( ۵ )
۳	کوچک چاپلی ماوزر تفنکری	
۱۰	کچہ یوروش و محاربہ لری	۱
۴۰	زمانغزده اصول حرب	
۲۰	تاریخ عسکری خلاصہ سی	۷
۱۵	تاریخ حرب (اوج جلد)	۱۵



کتابخانه اسلام و عسکریده صائیلان آثار عسکریده  
بمضیاری :

بازم فروش

- ۱۰ اصول تطبیقه نظراً تاریخ حربك مطالعه سی
- ۲ پیاده نك سواری هجوملرینه مقابله سی
- ۵ آلمان اصول حربنه دائر عملی مثالر
- ۱ ۲۰ ینیهیلک یاردیملری
- ۲ عجمی تعلیمی هفته جدولاری
- ۲ ۲۰ سؤقله و رسم کچیدلر
- ۱ ۱۰ گجه یوریش و محاربہ لری
- ۷ ۲۰ سفریه و تمییه تطبیقاتی
- ۷ ۲۰ پلونه مدافعه سی
- ۲ رنجی نابولیونك امثال حربیه سی
- ۶ ضابط کشف قولى
- ۵ تبصره (۱)
- ۵ تبصره (۲)
- ۱۳ پیاده مکتوبلری حاد ۳ مجلد



نشر اولنه جقي آثار عسکریه

پیاده عجمی تعلیمی مکتوبلرینه مخصوص رهبر  
توجیلق رهبری  
پیاده نك محاربہ سی  
صحرا طولمجبسی  
سوق الجیش مکتوبلری  
حربده مادون قوماندانلرک صلاحیتی













